



THEOT Proverbs in IES 77

Based on IES77 (= Mahbara Hawaryat edition, 1934) as transcribed for Accordance, representative of the 20th century Modern Textus Receptus Text Form

CAP. 01. 1 ምሳሌያተ ሰሎሞን ወልደ ዳዊት ዘነግሠ ለእስራኤል በኢየሩሳሌም። 2 ለአእምሮ ጥበብ ወተግሣጽ ወለአእምሮ ቃለ ጥበብ። 3 ወለተወክፎ መይጠ ቃል ወለአእምሮ ጽድቅ ዘበአማን። 4 ወለአርትዖ ፍትሕ ከመ የሀብት ጥበብ ለየዋሃን ለሕፃናት ወለወራዙት ተወውቆ ወአእምሮ። 5 ዘንተ እምከመ ሰምዐ ጠቢብ ይዌስከ ጥበብ። 6 ወዘሰ አጥረየ ሐዳፈ የአምር ምሳሌ ወስውረ ነገረ ነገረ ጠቢባን በቅጽበት። 7 ቀዳሚሃ ለጥበብ ፈሪህ እግዚአብሔር ወአእምሮ ሠናይት ለኩሉ ዘይገብራ ፈሪህ እግዚአብሔር ቀዳሚ ተወውቆ ጥበብ ወተግሣጽ ይሜንኑ ረሲዓን። 8 ስማዕ ወልድየ ሕገገ አቡከ ወኢትትሆይ ትእዛዘ እምከ። 9 አክሊለ ክብር ትነሥእ ለርእስከ ወጣዝግና ወርቅ ለክሳድከ። 10 ኦ ወልድየ ኢየሱስቱክ ሰብእ ረሲዓን ወኢትፍቅድ እመ አስተብቅሶከ እንዘ ይብሉ ነዐ ተሳተፍ ምስሌን ደመ። 11 ወንድፍን ውስተ ምድር ብእሴ ጻድቀ በዐመፃ። 12 ወነጎጦ ከመ ገሃነም ሕያዎ ወንስዓር እምድር ዝክሮ። 13 ወጥሪቶ ብዙኅ ናስተጋብእ ወንምላእ አብያቲን በርበሮ። 14 ወአንተኒ ኅበር ምስሌን ወአሐዱ ቊናማት ይኩነን ለኩልን ወመሥነቅት አሐቲ ትኩነን። 15 ኢትሑር ወልድየ ምስሌሆሙ ፍኖተ። 16 አግሕሥ እገረከ እምአሠሮሙ እስመ ለእከይ ይረውጻ እገሪሆሙ ወያፈጥና ለከዒወ ደም። 17 እስመ አኮ በከ ዘይረብቡ መሥገርተ ለሰብእ። 18 እሙንቱሰ እለ ቀቲለ ለመዱ ይዘግቡ ሎሙ እከየ ወድቀቶሙ ለሰብእ ኃጥአን እኩይ። 19 ዝ ፍናው ውእቱ ለኩሎሙ እለ ይፌጽም ኃጣውአ ኅጢአት ወትዕግልት ነፍሶሙ ታሀጉሉ። 20 ጥበብ በፍናው ትሴባሕ ወበመራሕብት ትሁብ ቃላ። 21 ወውስተ አርእስተ ጥቅም ትሰበክ ወውስተ አናቅጺሆሙ ለኃያላን ትፀመድ ወውስተ አናቅጸ ሀገር ጥቡዐ ትብል። 22 መጠነ መዋዕል የዋሃን ቦሙ ጽድቅ ወኢይትጎፈሩ። 23 እስከ ማእዜኑ ረሲዓን ታፈቅሩ ስሕተተ አብዳንሰ ፈታውያነ ጽእለት እሙንቱ ወረሲዓን ከዊኖሙ ጸልኡ አእምሮ ወርሱሐን ኮኑ ለእለ ይዘልፍዎሙ ለምንት ትመይጡ ዘለፋየ። 24 ወናሁ አነ እነግረክሙ እስትንፋሰ ቃልየ ወእሜህረክሙ ነገረ ዚአየ። 25 እስመ ጸዋዕኩ ወኢያውሃእክሙኒ ሰፋሕኩ እደውየ ወኢያጽማእክሙኒ። 26 ወአብዛኅኩ ነገረ ወኢተሰጠውክሙኒ ወምኑነ ረሰይክሙ ትእዛዝየ ወዘለፋየኒ ኢነጸርክሙ። 27 ወአነሂ በሀጉልክሙ እሥሕቅ ወእትፌሣሕ ሶበ ይመጽአክሙ ግብተ ተሠርዎ። 28 ወሶበ ይመጽአክሙ ግብተ ሀከከ ወሙስናሂ ከማሁ ሶበ ይመጽአክሙ ለአሥግሮ ወሶበ ይመጽአክሙ ምንዳቤ ወተዒውዎ ሀሎኩ ህየ። 29 ወሶበ ትጼውዑኒ አነሂ ኢይሰምዐክሙ የኅሥሡኒ እኩያን ወኢይረክቡኒ። 30 እስመ ጸልእዎ ለጥበብ ቃለ እግዚአብሔርኒ ይስምዑ ኢፈቀዱ። 31 ወኢፈቀዱ ይነጽሩ ዘዚአየ ምክረ ወያስተራኩሉ ኩሎ ዘዚአየ ዘለፋ። 32 እንከሰኬ ይብልዑ ፍሬ ምግባሮሙ ወበዘዚአሆሙ ኅጢአት ይጽገቡ። 33 እስመ ኢተመይጦቶሙ ለአብዳን ትቀትሎሙ እምእንተ ገፍዑ ደቂቅ ይትቀተሉ ወሐተታሆሙ ለረሲዓን ትቀትሎሙ። 34 ወዘሰ ኪያየ ይሄሉ በተሰፋ ወየዐርፍ ዘእንበለ ድንጋጂ እምኩሉ እኩይ።

CAP. 02. 1 ወልድየ ለእመ ተወክፍከ ቃለ ትእዛዝ ዘዚአየ ወኅባ እከ በልብከ። 2 ትሰምዕ እዝንከ ጥበብ ወትሁብ ልብከ ለአእምሮ ወታቀርብ ለተግሣጽ ልበከ። 3 ወለእመኒ ለጥበብ ጸዋዕካ ወለአእምሮ ወሀብከ ቃለከ ወለለብዎ ኅሥሥከ በዐቢይ ግብር። 4 ወለእመኒ ኅሥሥካ ከመ ብሩር ወከመ መድፍን ፈተንካ። 5 አሜሃ ተአምር ፈሪህ እግዚአብሔር ወጠይቆ እግዚአብሔር ትረክብ። 6 እስመ እግዚአብሔር ይሁብ ጥበብ ወእምቅድመ ገጹ ለብዎ ወአእምሮ። 7 ወይዘግብ ሎሙ ለእለ ይገብሩ መድኅኒተ ወቃውም ለፍኖቶሙ ከመ ፍኖተ ጽድቅ ወፍኖተ እለ ይፈርህዎ የዐቅብ። 8 አሜሃ ተአምር ፍትሐ ወጽድቀ ወታረትዕ መንኰራኩረ ሠናያተ። 9 እስመ እመ መጽአት ጥበብ ውስተ ኅሊና ዚአከ ወአእምሮ ለነፍሰ ዚአከ ሠናይት ኮነት። 10 በምክር ሠናይ ተዐቅበከ ወበኅሊና ጽድቅ ትከድነከ። 11 ከመ ታድኅንከ እምፍኖት እኪት ወእምብእሲ ዘኢይነብብ ወኢምንተኒ ህልወ ቃለ። 12 ወይ ሎሙ ለእለ የኅድጉ ፍናወ ርቱዓተ ከመ ይሑሩ በፍናወ ጽልመት። 13 ወእለ ይትፌሥሑ በእኩይ ወእለ ይትሐሠዩ በሚጠተ እኪት። 14 እለ ፍናዊሆሙ መብእስ ወደጋን መንኰራኩሮሙ ከመ ያርኅቁከ

እምፍኖት ርትዕት ወነኪር እምፍኖተ አእምሮተ ጽድቅ። 15 ወልድየ ኢትርከብከ ምክር እኪት እንተ ታጎድግ ትምህርተ በውርዘትከ። 16 ወልድየ ዕቀብ ቃልየ ከመ ይባልሕከ እምብእሲት እኪት ወነኪርት እንተ ቃላ ትምይንት ዘጎደገት ምቃ ዘንእሳ ወሥርዐተ እግዚአብሔር እንተ ረሰዐት። 17 ወአንበረት ጎበ ሞት ወጎበ ሶኦል ወምስለ ኃያላን እምድር አርትዓት መንኲራኩራ። 18 ኩሎሙ እለ የሐውሩ ባቲ ኢይትመየጡ ወኢይረክቡ ፍናወ ርቱዓተ ወኢይትረክቡ በዓመተ ሕይወት። 19 ሶበሰ የሐውሩ ፍናወ ርቱዓተ እምረክቡ ፍናወ ጽድቅ ልሙዳተ ጌራነ ይከውኑ እለ ይነብሩ ዲበ ምድር ወየሃን ይተርፉ ውስቴታ። 20 እስመ ራትዓን የጎድርዋ ለምድር ወጻድቃን ይተርፉ ውስቴታ። 21 ፍናወ ረሲዓን እምድር ይሄረዋ ወዓማፅያንሰ ይሰደዱ እምውስቴታ።

CAP. 03. 1 ወልድየ ሕገገ ዚአየ ኢትርሳዕ ወቃላትየ ይዕቀብ ልብከ። 2 ኑጎ መዋዕል ወዓመታተ ሕይወት ወሰላም ይትዌሰኩከ። 3 ምጽዋት ወሃይማኖት ኢይርጎቅ እንቆ ውስተ ክሳድከ ወጸሐፎ በጽሌ ልብከ። 4 ወትረክብ ሞገሰ ሐሊ ሠናየ በቅድመ እግዚአብሔር ወሰብእ። 5 ሀሉ ተወኪለከ በእግዚአብሔር በኩሉ ልብከ ወበጥበብከ ኢትትአበይ። 6 በኩሉ ፍናዊከ አክብራ ከመ ታርትዕ ፍናዊከ። 7 ኢትኩን ጠቢብ ዘበርእስከ አላ ፍርሆ ለእግዚአብሔር ወተገሐሥ እምኩሉ እኩይ። 8 ወሶቤሃ ፈውሰ ይከውነከ ለሥጋከ ወሥራየ ለአዕፅምቲከ። 9 አክብሮ ለእግዚአብሔር እምዘ በጽድቅ ጥሪትከ ወአብእ ሎቱ ቀዳሜ ማእረርከ ወእምፍሬ ጽድቅከ። 10 ከመ ይሰፍፋ መዛግብቲከ ብዙጎ ሥርናየ ወወይን ማጎበብቲከ ይሰፍፍ። 11 ወልድየ ኢትትአንተል ተግሣጻ እግዚአብሔር ወኢትድክም እምነቤሁ በተዛልፎቱ። 12 እስመ ዘአፍቀረ ይጌሥጽ እግዚአብሔር ከመ አብ ዘይሠምር ወልዶ ወይቀሥፍ ኩሎሙ ውሉዶ ዘኢይትዌከፉ። 13 ብፁዕ ብእሲ ዘይረክባ ለጥበብ ወኢ መዋቲ ዘአእመረ ሐኒከ። 14 ይጌይሰ ኪያሃ ተገብሮ እምተገብሮ ወርቅ ወብሩር ወእምብዙጎ መዛግብት። 15 ክብርት ይእቲ እምዕንቀሁ ዘብዙጎ ሄጡ ወኢይትቃወማ ምንትኒ እኩይ። 16 ሠናይት ሀገሪት ይእቲ ለኩሎሙ እለ ይቀርብዋ ወኩሉ ክብር ኢኮነ መጠና ኑጎ መዋዕል ወዓመተ ሕይወት ውስተ የማና። 17 ውስተ ጸጋማ ክብር ወብዕል ወእምአፉሃ ይወፅእ ጽድቅ ሕገ ወምጽዋተ በልሳና ትለብስ ፍናዊሃ ፍናወ ሕይወት ወኩሉ አሠራ በሰላም። 18 ዕፅ ሕይወት ይእቲ ለኩሎሙ እለ ይትመረገዝዋ ወለእለ ይትአመኑ ባቲ ዘበእግዚአብሔር ጽኑዕ። 19 እግዚአብሔር በጥበብ ሣረራ ለምድር ወአስተዳለወ ሰማያተ በአእምሮ። 20 ወበተዐውቆቱ ቀላያት ነቅዑ ወደመናትኒ ያውገዙ ጠላተ። 21 ወልድየ ኢትትሀከይ ዕቀብ ምክርየ ወጎሊናየ ከመ ትሕየው ነፍስከ። 22 ወምገሰ ይከውነከ ውስተ ክሳድከ ወይከውን ፈውሰ ለሥጋከ ወሥራየ ለአዕፅምቲከ ከመ ትሑር ጥቡዐ በሰላም በኩሉ ፍናዊከ። 23 ወእገሪከ ኢይትዐቀፉ እመሂ ትነብር ኢትፍራህ። 24 ወእመኒ ሰከብከ ሐዋዘ ትነውም ወኢተፈርህ ዘይመጽአከ ሀከከ ወመራደ ረሲዓን ዘይመጽእ። 25 እስመ እግዚአብሔር ይሄሉ ምስሌከ ውስተ ኩሉ ፍናዊከ ወያቀውሞን ለእገሪከ ከመ ኢያንቀልቅላ። 26 ወኢትትሀከይ ገቢረ ሠናይ ለጽኑስ መጠነ ቦ ውስተ እዴከ ርድኦ። 27 ወኢትበል ሑር ወግባእ ጌሠመ እሁበከ እንዘ ትክል ገቢረ ሠናይ እስመ ኢተአምር ዘትወልድ ሳኒታ። 28 ወዓዲ ኢተጎሊ እኩየ ሳዕለ ዐርክከ ዘየጎድር ወይትዌከል ብከ ወኢትፍቅድ ተጻልኦ ምስለ ሰብእ በከ እመ አልቦ ዘይገብር እኩየ ሳዕሌከ። 29 ኢትጥሪ ዝንጓጌ በጎበ ሰብእ እኩያን ከመ ኢትኩን ከማሆሙ። 30 ወኢትቅናእ በፍናዊሆሙ እስመ ርኩስ ውእቱ በጎበ እግዚአብሔር ኩሉ ኃጥእ ወምስለ ጻድቃን ኢይደመር። 31 ወርገመ እግዚአብሔር ውስተ አብያተ ረሲዓን። 32 ወውስተ አብያተ ጻድቃን በረከተ እግዚአብሔር ወለዕቡያን ይትቃወሙ ንዴት። 33 ወለትሑታን ይሁቡሙ ክብረ ወክብረ ይወርሱ ጠቢባን። 34 ወረሲዓንሰ አዕበየ ኃሣረ።

CAP. 04. 1 ስምዑ ውሉድየ ተግሣጻ አብ ይኩን ብዙጎ መዋዕል ሕይወትክሙ። 2 ወአምጽኡ በአእምሮ ጎሊና እስመ ሠናየ ጸጋ እጼግወክሙ ወሕገገ ዚአየ ኢትጎድጉ። 3 እስመ ኮንኩ አነሂ ወልደ ሰማዔ አብ ወእትፈቀር በገጸ እምየ። 4 እንዘ ይሜህሩኒ ወይብሉኒ ይባእ ቃለ ዚአነ ውስተ ልብከ ዕቀብ ትእዛዛቲ። 5 ወኢትርሳዕ ወኢትትሀየይ ንባበ አፉነ ወኢትጎድጋ። 6 ወአጥሪ አእምሮ ወትትዌከፈከ አፍቅራ። 7 ወተዐቅበከ ዑዳ ወታሌዕለከ። 8 ስማዕ ወልድየ ወተወከፍ ንባበ ዚአየ ከመ ይብዝጎ ዓመታተ ሕይወትከ ወከመ ይኩን ፍናወ ሕይወትከ ብዙጎ። 9 እስመ ፍናተ ጥበብ አሜህረከ ወአጸንዐከ ዲበ መንኲራኩር ርቱዕ። 10 እመሂ ተሐውር ኢይትዐፀው አሠርከ ወእመሂ ርጽከ ኢትደክም ወተወከፎ ቃለ ዚአየ ኢትጎድግ። 11 ዕቀባ ለርእስከ ወኢትጎድጋ ለሕይወትከ። 12 ፍናተ ረሲዓን ኢትኪድ ወኢትቅናእ በፍናወ ኃጥኦን ወመካነ እንተ ጎበ ግእዙ ኢትሑር ህየ ተገሐሥ እምኒሆሙ ወተመየጥ። 13 እስመ ኢይነውሙ እመ ኢገብሩ እኩየ ተመሥጦ ንዋም እምአዕይንቲሆሙ። 14 ወኢይነውሙ እመ ኢደወየ እለ ይበልዑ መብልዐ ጎጢአት ወበወይን ዐመፃ ይሰክሩ። 15 ወፍናተ ጻድቃንሰ ከመ ብርሃን ይበርህ የሐውሩ ወያበርሁ እስከ ሶበ ታረትዕ ዕለት። 16 ወፍናተ ኃጥኦንሰ ጽልመት ወኢየአምሩ ከመ ይትዐቀፉ። 17 ወልድየ ንባበ ዚአየ ነጽር ወቃለ ዚአየ ያጽምእ እዝንከ ከመ

ኢይንጽፋ ዐዘቃቲክ። 18 ዕቀቦን ውስተ ልበክ እስመ ሕይወት ውእቶን ለእለ ይረክብዎን ወለኩሉ ዘሥጋ። 19 ወበኩሉ ተዕቅቦ ዕቀብ ልበክ እምዝንቱ ፍኖት እስመ ውእቱ ነቅዕ ሕይወት። 20 ወእርሕቅ እምኔክ አፈ እኩየ ወከናፍረ ዐመፃ አንጎ አርጎቆ እምኔክ። 21 ወዕይንቲከኒ ርቱዕ ይርእያ ወቀራንብቲክ ይቅጽባ ጽድቅ። 22 ርቱዕ መንኩራኩረ ግበር ለእገሪክ ወፍናዊክ አርትዕ። 23 ወኢትትገሐሥ ኢ ለየማን ወኢ ለጸጋም አግሐሥ እገሪክ እምፍኖት እኪት እስመ ፍናወ ዘየማን ያፈቅር እግዚአብሔር። 24 ጠዋያት እማንቱ እለ በጸጋም ወውእቱ ርቱዕ መንኩራኩረ ይገብር ለእገሪክ ወሐረትከኒ በሰላም ያሢኒ።

CAP. 05. 1 ወልድየ ጥበበ ዚአየ ነጽር ወንባበ ዚአየ ያጽምእ እዝንክ ከመ ትዕቀብክ በጎሊና ሠናይት። 2 ወእእምር እምከናፍርየ ዘእኤዝዘክ። 3 ኢትነጽር ብእሲተ እኪተ እስመ መዓር ይውጎዝ እምከናፍረ ብእሲት ዘማ እንተ ለጊዜሁ ያመዓርዕሮ ለጉርዓክ። 4 ወእምድጎራሁስ ዘይመርር እምሐሞት ትረክብ ወስሑል ፈድፋድ እመጥባሕት ዘክልኤ አፋሁ። 5 ወጎበ እበድ እገሪሃ ያወርዱ ወሐረታ ያበውእ ውስተ ሞት ወሲአል። 6 ወአሠራ ኢይትሐወስ እመካነ ጎጢአት ወውስተ ፍናወ ሕይወት ኢይቀርብ ወእቡስ መንኩራኩረ ወአኮ ዘይትዐወቅ። 7 ወይእዜኒ ወልድየ ስምዐኒ ወምኑነ ኢትረሲ ንባበ ዚአየ። 8 ርሐቀ ረሲ እምኔሃ ፍኖተክ ወኢትቅረብ ጎበ ጥጎተ ቤታ። 9 ከመ ኢትወስክ ለባዕድ ሕይወተክ ወንብረተክ ለእለ ዘእንበለ ምሕረት። 10 ከመ ኢይጽገቡ ነኪራን ጎይለክ ወጻማ ዚአክ ቤተ ባዕድ ኢይባእ። 11 ወትኔስሕ ድጎረ አመ ደክመ ሥጋ ነፍስክ። 12 ወትብል እፎ ጸላእኩ ትምህርተ እምንእስየ ወእምተግሣጽ ተግሐሥ እዝንየ። 13 ወኢሰማዕኩ ቃለ ዘይሜህሩኒ ወይጌሥፁኒ ወኢያፅማእኩ በእዝንየ። 14 ዘእንበለ ንስቲት ኮንኩ ውስተ ኩሉ እኩይ። 15 ማእከለ ማጎበር ወእንግልጋ ስተይ ማየ እምቀሱትክ ወእምነቅዕ ዐዘቅትክ ወየጎዛ ማያት እምዐዘቅትክ ወውስተ መራሕብቲክ ይሑራ ማያቲክ። 16 ወትኩን ለክ ለባሕቲትክ ወአልቦ ነኪር ዘይነሥአክ ወዐዘቅተ ማይክ ትኩን ለክ። 17 ወተፈሣሕ ምስለ ብእሲተ ንእስክ። 18 በፍቅረ ጎየል ወዕዋል ተፋቀር ምስለ ብእሲትክ። 19 ሞገሰ ፍቅራ ያረወየክ እንቲአክ ትኩንክ ለክ ወተሀሉ ምስሌክ በኩሉ ጊዜ። 20 በዛቲ ፍቅር እንዘ ትትፋቀር ብዙጎ ትከውን ወኩለንታክ ኢየሀሉ ጎበ ነኪርት። 21 ወኢታውትር እዴክ ጎበ እንተ ኢኮነት እንቲአክ። 22 እስመ ቅድመ አዕይንተ እግዚአብሔር ውእቱ ፍናወ ብእሲ ወውስተ ኩሉ መንኩራኩሪሁ ያስተሐይጽ። 23 ጎጢአት ያሢግር ብእሴ ወበጎብለ ጎጢአት ኩሉ ይትሐስል። 24 ዝንቱ ይመውት ምስለ ኣብዳን ወእምብዝጎ እበዱ ተገድፈ ሕይወቱ ወተሀጉላ በእንተ እበዱ።

CAP. 06. 1 ወልድየ እመ ተጎበይኮ ለዐርክክ ትሁብ እዴክ ለእድው። 2 ወሥገርት ጽኑዕ ውስተ ከናፍሪሁ ለብእሲ ወይትሀጉል በከናፍረ አፋሁ። 3 ግበር ወልድየ ዘአነ እኤዝዘክ ውጌረዓል እስመ እመጸእክ ውስተ እደው እኩያን በእንተ ዐርክክ ኩን ኢተሀካዬ ወወሀኮ ለዐርክክ ዘተሀበይኮ። 4 ወኢተሀበን ንዋመ ለአዕይንቲክ ወኢድቃስ ለቀራንብቲክ። 5 ከመ ትድጎን ከመ ወይጠል እመሥገርት ወከመ ያፍ እመጽፈርት። 6 ተመየጥ ጎበ ቃሕም ኦ ሀካይ ወኢትኩን ሀካየ ወቅናእ ርእየክ ፍናዊሁ ወኩን ጠቢበ እምኔሁ። 7 ወውእቱ እንዘ ወፍር አልቦ ወዘሂ አልቦ ዘያጌብሮ ወእንዘ እግዚእ አልቦ ያስተጋብእ በሐጋይ ሲሳዮ ብዙጎ አመ ማእረር ወይትጌበር ዘያጌብር። 8 አው ሑር ጎበ ንህብ ወእእምር ከመ መስተገብርት ይእቲ ወትግብርታሂ ከመ ሠናየ ትገብር እንተ ጻማሃ ነገሥት ኣብዳን ይነሥኡ ለሕይወት እንተ ትትፈቅድ ይእቲ በጎበ ኩሉ ወክብርት ይእቲ ወበጋይል ጽብስት ወበግብረሰ ጽንዕት። 9 ጥበበ አክቢራ አስተርአየት እስከ ማእዜኑ ሀካይ ትሰክብ ወማእዜ እምንዋምክ ትነቅሕ። 10 ሕቀ ትነውም ወሕቀ ትነብር ሕቀ ትዴቅስ ወሕቀ ታስተጋብእ እዴክ ዲበ እንግድዓክ። 11 ወእምዝ ይመጽእክ ግብተ ከመ እኩይ ሐዋርያ ንዴት ወተፅናስ ከመ ጌር ረዋጺ። 12 ወእመሰ ኢኮንክ ሀካየ ይመጽእክ ከመ ነቅዕ ማእረርክ ወንዴትሰ ከመ እኩይ ረዋጺ ለሊሁ ይርሕቅ እምኔክ። 13 ብእሲ አብድ ወዐማሂ የሐውር ፍናወ ዘኢኮና ጌራተ ወውእቱ ይቀጽብ በዕይን ወያኤምር በእግር ወያኤምር በቅጽበተ አጸብዕ። 14 ወዕሉት ልብ ትጌሊ እኩየ በኩሉ ጊዜ ዘከመ ዝ ያመጽእ ሀከክ ላዕለ ሀገር። 15 ወእንቲአሁ ይመጽእ ግብተ ሕጉለት ወዝብጠት ወቅጥቃጤ ዘኢየሐዩ። 16 እስመ ይትፈሣሕ በኩሉ ዘይጸልእ እግዚአብሔር ወይትቀጠቀጥ በእንተ ርኩስ ነፍሱ። 17 ናሁ ስሱ ዘይጸልእ እግዚአብሔር ወሳብዎምስ ሰቆራረ ነፍሱ። 18 ዓይነ ጸአሌ ወልሳነ ዓማሂ ወእደ ዘይክዑ ደመ ጸድቅ። 19 ወልበ እንተ ትወልድ እኩየ ጎሊና ወእእጋረ እለ ይትወላወላ ለገቢረ እከይ። 20 ወዘያነድድ ስምዐ ዐማሂ ወይፌኑ ጋእዘ ማእከለ ኣጎው። 21 ዕቀብ ወልድየ ሕገገ አቡክ ወኢትትሀየይ ትእዛዝ እምክ። 22 ደዮ ውስተ ልብክ በኩሉ ጊዜ ወጠብልሎ ውስተ ክሳድክ። 23 ወሶበኒ ተሐውር ንሥኦ ምስሌክ ወየሀሉ ወሶበኒ ትነውም የዕቅበክ ወሶበኒ ትትነሣእ ይትናገረክ። 24 እስመ ማጎቶት ትእዛዝ ወሕግ ብርሃን ወፍኖተ ሕይወት ተግሣጽ ወትምህርት። 25 ወልድየ ዕቀብ ትእዛዝየ ከመ ትዕቀብክ እምብእሲተ ብእሲ ወእምውዴተ ልሳን እኩይ። 26 ኢይማዕክ ሥነ ፍትወታ ወኢትሠገር በአዕይንቲሃ

THEOT Proverbs in IES 77

ወኢትትመሠጥ በቀራንብቲሃ። 27 ፍቅራ ለዘማ እስከ አሐቲ ጎብስት ወብእሲትሰ ለእይው ክቡራን ታሀጉል ነፍሶሙ ወታሄግር። 28 መኑ ዘየዐቀኑር እሳተ ውስተ ሕፅኑ ወአልባሲሁ ኢይውዕያ። 29 ወመኑ ዘየሐውር ዲበ አፍሐመ እሳት ወእገሪሁ ኢይውዕያ። 30 ከማሁ ዘይበውእ ቤተ ብእሲተ ብእሲ ኢይነጽሕ ወኹሉ ዘይለክፋ። 31 አኮ መንክር እመ ተእኅዘ ሰራቂ ዘይሰርቅ እስመ ይሰርቅ ከመ ያጽግብ ነፍሶ ርኅብተ። 32 ወለእመ ተእኅዘ ይፈዲ ምስብዒተ ወኹሉ ጥሪቶ ይሁብ ከመ ያድኅን ነፍሶ። 33 ወመሐዝሰ በንዴተ አእምሮ ሀጉሉ ነፍሱ ይትጌበር። 34 ሕማመ ወኅሣረ ይጼውዕ ወጽእለቱ ኢይደመስስ ለዓለመ ዓለም። 35 እስመ ምሉእ ምታ ቅንኣተ ወመዓተ ወኢይምሕሮ በዕለተ ኹነኔ። 36 ወኢይትዌለጥ በምንትኒ ባዛ ጽልእ ወኢይትዐረቆ ወብዙኅ ሀብት።

CAP. 07. 1 ወልድየ ዕቀብ ነገረ ዚአየ ወትእዛዘ ዚአየ ይባእ ኅቤከ። 2 ወልድየ አክብሮ ለእግዚአብሔር ወትጽንዕ እምኹሉ ወዘእንበሌሁሰ ኢትፍራህ ባዕደ እስመ አልቦ ዘይቀትለከ ወአልቦ ዘያሐይወከ። 3 ወልድየ ትእዛዘ ዚአየ ዕቀብ ወተሐዩ ወንባበ ዚአየ ዕቀብ ከመ ብንተ ዐይንከ። 4 ደዮ ውስተ አጻብዒከ ወጸሐፎ ውስተ ራሕብ ልብከ። 5 በላ ለጥበብ እኅተ ዚአየ አንቲ ወለአእምሮ ሀገሪተከ ረስያ። 6 ከመ ትዕቀብከ እምብእሲት ነኪርት ወእኪት ወእም ነገረ ዘርቅ አምጽኣት ብከ። 7 እስመ እመስኮተ ቤታ ውስተ መራሕብት ትሔውጽ። 8 እመቦ ዘርእየት እምአብዳን ውሉድ ወሬዛ ነዳየ አእምሮ ዘየሐውር ውስተ ፍናወ ማዕዘንተ ቤታ (ትጼውዖ ወትብሎ)። 9 ወይትናገር በጽልመት ሠርከ ሶበ ይከውን ጽማዌ ወጽልመተ ሌሊት። 10 ወሶቤሃ ትዳደቆ እንተ ባቲ ትርሢተ ዝሙት እንተ ትራሲ ታስርር ልበ ወራዙት። 11 ስርርት ይእቲ ወምርዕት ወስርውት ወበቤታኒ ኢያዐርፉ እገሪሃ። 12 ወምዕረ ኅዳጠ አፍኣ ታንጎን ወምዕረ ኅዳጠ ውስተ መራሕብት ወውስተ ማዕዘንት ትጽንሕ። 13 ወአኅዘቶ ወሰዐመቶ ወዘእንበላ ኅፍረት በገጽ ትብሎ። 14 መሥዋዕተ ሰላምየ ውእቱ ዮም ብዕዕትየ እሁብ። 15 በዝንተ ዝንቱ መጻእኩ እትቀበልከ ወእንዘ አፈቅር ገጸ ዚአከ ረከብኩከ። 16 በቀጠንት ገለድኩ ምስካብየ ወዘርቤታተ ነጻፍኩ ዘእምግብዕ ነስነስኩ ምስካብየ በመጽርይ ወቤትየኒ በቀናንሞስ ነዐ ናስተሐውዝ በተሳዕም እስከ ነግህ። 17 ወናንገርግር በተፋቅሮ እስመ ኢሀሎ ምትየ ውስተ ቤቱ። 18 ወሐረ ርሐቅ ብሔረ ዕቅረ ወርቅ ነሢኣ ውስተ እዴሁ ወመዋዕል ብዙኅ እመ ገብኣ ውስተ ቤቱ። 19 ወአስሐተቶ በብዙኅ ነገር ወበመሥገርተ ከናፍሪሃ ሰሐብቶ። 20 ወተለዋ ደኒኖ ከመ ላሕም ዘየሐውር ለተጠብሐ ወከመ ከልብ ለተአስሮ። 21 ወከመ ኅየል ዘተነድፈ ወተሐይጸ ከብዶ ወይጌጉእ ከመ ሶፍ ለመሥገርት። 22 ወኢየአምር ከመ በነፍሱ ይረውጽ። 23 ወይእዜኒ ስምዐኒ ወልድየ ወአጽምእ ቃለ አፋየ። 24 ወኢይትመየጥ ለወብከ ውስተ ፍናዊሃ ወኢትስሐት ውስተ አሠራ። 25 ወብዙኃን አስሒታ አቅሶለት ወአልቦሙ ኅላቀኣ ለእለ አስሐተቶሙ። 26 ፍናወ ሲኦል ቤታ እለ ያወርዱ ውስተ መዛግብቲሁ ለሞት።

CAP. 08. 1 አንተሰ ጥበበ ስብክ ከመ አእምሮ ታውሥእከ። 2 እስመ ውስተ ጽንፈ ነዋኃት ይእቲ ወማእከለ ፍናው ቆመት ወውስተ አናቅጽሙ ለኃያላን ትጽንሕ። 3 ወበውስተ ፍነው ትሴባሕ ኪያክሙ ሰብእ አስተበቅሶ ወእነግር ቃለ ዚአየ ለውሉደ ሰብእ። 4 አእምሩ የዋሃን ተጠብቦ ወአብዳን አጥርዩ ልበ። 5 ስምዑኒ እስመ መፍትወ አየድዕ ወአወፅእ እምከናፍርየ ርቱዐ። 6 እስመ ጽድቅ ትሜህር ጉርዔየ ወርኩሳት በቅድሚየ ከናፍረ ሐሰት። 7 ወጽድቅ ኹሉ ቃለ አፋየ ወአልቦ እምውስቱቶሙ ጠዋይ ወማዕቅፍ። 8 ኹሉ ርቱዕ በቅድሚሆሙ ለእለ የአምሩ ወርቱዕ ለእለ ይረክቡ ልቡና። 9 ገሥኡ ትምህርተ እምብሩር ወአእምሮ እምወርቅ ፍቱን ወተወክፉ ተዐውቆ እምወርቅ ጽሩይ። 10 እስመ ትጌይስ ጥበብ እምዕንቅሁ ዘብዙኅ ሄጡ ወኹሉ ክብር ኢመጠና ላቲ። 11 አነ ጥበብ አኅደርኩ ምክረ ወአእምሮ ወኅሊና አነ ጸዋዕኩ። 12 ፈራሄ እግዚአብሔር ይጸልእ ዐመፃ ጽልእ ወትዕቢተ ወፍናወ እኩያተ ጸላእኩ። 13 ወዓዲ ጸላእኩ ጠዋያተ ፍናወ እኩያን ሊተ ምክር ወእዘዝ ሊተ አእምሮ ወሊተ ጽንዕ። 14 ብየ ነገሥት ይነግሡ ወኃያላን ይጽሕፉ ጽድቅ። 15 ብየ ዐቢያን ይከብሩ ወመኳንንት ይእኅዙ ምድረ። 16 አነ እለ ያፈቅሩኒ አፈቅር ወእለ የኅሥሡ ኪያየ ይረክቡ ሞገሰ። 17 ክብር ወብዕል ኅቤየ ሀሎ ወጥሪት ብዙኅ ወጽድቅ ይጌይስ ኪያሃ ኅሪይ እምወርቅ ወእምዕንቅሁ ክቡር። 18 ወፍሬ ዚአየ ይጌይስ እምብሩር ጽሩይ። 19 ወውስተ ፍናወ ጽድቅ አንሶሱ ወማእከለ አሠረ ጽድቅ እትመያየጥ። 20 ከመ እከፍሎሙ ጥሪተ ለእለ የአምሩኒ ወመዛግብቲሆሙ እምላእ ተድላ። 21 እመ ነገርኩክሙ እንተ ጸብሐት ዘይከውን ወዓዲ እዜከር ዘእምዓለም ኅላቂ። 22 እግዚአብሔር ፈጠረኒ ቀዳሜ ኹሉ ተግባሩ እምቅድመ ይሣርር ዓለመ። 23 ወዘእንበላ ይግበር ምድረ ወዘእንበላ ይግበር ቀላያተ ወዘእንበላ ይፃኡ አንቅዕተ ማያት። 24 ወዘእንበላ አድባር ይተከሉ ይጠዓጥዑ ወእምቅድመ አውግር ወለደኒ። 25 ወእምቅድመ ይግበር በሐውርተ ወአጽናፈ ዘይትኅደር እምሰማይ። 26 አመ ያስተዴሉ ሰማያተ ሀሎኩ ወአመ ያጸንዕ መንበረ ዚአሁ ላዕለ ነፋሳት። 27 ወአመ ጽኑዐ ይገብር በመልዕልተ ደመናት ወአመ ያጸንዕ አንብሮ

አንቅስተ ማያት። 28 ወአመ ያነብር ወስነ ለባሕር ወማያት ኢይፃኡ እምኣፈ ዚአሁ። 29 ወአመ ጽኑዕ ይገብር ወሠረታተ ምድር ሀሎኩ ምስሌሁ እንዘ አስተዋድድ። 30 አነ ይእቲ እንተ እትፌሣሕ እንተ ጽብሐት ወእትሐሠይ በበ ገጹ በኩሉ ጊዜ ወአመ ይትፌሣሕ ዓለመ ፈጹሞ ወፍሥሐየኒ በደቂቀ ዕንሰ እመሕያው። 31 ወይእዚኒ ወልድየ ስምዐኒ ብፁዓን እለ የዐቅቡ ፍኖትየ። 32 ስምዐ ጥበበ ወጥበቡ ወኢትትፈጽሙ ብፁዕ ብእሲ ዘይስምዐኒ ቃልየ። 33 ወብፁዕ ዘየዐቅብ ፍኖትየ ወይተግህ ውስተ አናቅጸ ዚአየ እንተ ጽብሐት ወዘየዐቅብ ራግዛተ ሙባእየ። 34 እስመ ፍኖውየ ፍኖው ሕይወት ዘረከበኒ ረከበ ሕይወተ ወይዴለው ፈቃዱ በኅበ እግዚአብሔር። 35 ወእለሰ ይኤብሱ ላዕሌየ ይጌግዩ ላዕለ ነፍሶሙ ወእለ ይጸልኡኒ ያፈቅሩ ሞተ።

CAP. 09. 1 ጥበብ ሐነጸት ላቲ ቤተ ወአቀመት ሰብዓተ አዕማደ። 2 ዘብሐት ዘዚአሃ ጥበሐ ወቶስሐት ውስተ ስያሓ ዘዚአሃ ወይነ። 3 ወፈነወት ዘዚአሃ አግብርተ እንዘ ትጼውዕ በነዋኅ ስብከት። 4 እንዘ ትብል ዘአብድ ውእቱ ይግሐሥ ኅቤየ ወለእለሂ የሐዎሙ አእምሮ። 5 ትቤ ንዑ ብልዑ ኅብስትየ ወስትዩ ወይንየ ዘቀዳሕኩ ለክሙ። 6 ወኅድግዋ ለእበድ ወኅሡ አእምሮ ከመ ትሕየዉ። 7 አርትዑ አእምሮ በጠይቆ ወዘይሜህሮሙ ለእኩያን ይነሥእ ሎቱ ኅሣረ። 8 ወዘይጌሥዎ ለረሲዕ የኅይስ ርእሶ። 9 ኢትዝልፎሙ ለአብዳን ከመ ኢይጽልኡክ። 10 ዝልፎ ለጠቢብ ወያፈቅረከ አብድሰ ይጸልኡከ ሀቦ ለጠቢብ ምክንያተ ወያፈደፍድ ጥበበ አምሮ ለጠቢብ ወይዌስክ ተወክፎ። 11 ቀዳሚሃ ለጥበብ ፈሪህ እግዚአብሔር ወምክረ ቅዱሳን አእምሮ ወአእምሮ ሕግሰ ለልብ ጌር ውእቱ። 12 በዝ ሥርዐት ብዙኅ መዋዕለ ተሐዩ ወይትዌስካከ ዓመታተ ሕይወት። 13 ወልድየ እመ ጠቢብ ኮንከ ለርእስከ ጠቢብ ትከውን ለቢጽከ ወእመሰ እኩየ ኮንከ ለባሕቲትከ ትቀድሕ እኪቶ። 14 ዘያስተዳሉ ሐሰተ ይመስል ከመ ዘያስተዳሉ ነፋሳተ ወውእቱ ከመ ዘይዴግን ያፈ ዘይሠርር። 15 ወኅደገ ፍኖው ዐጻደ ወይኑ ወመንኩራኩረ ወፍሬ ዚአሁ ረስዐ ወየሐውር ውስተ በድው ገዳመ ወውስተ ምድር እንተ ተሠርዐት ለጽምእ ወያስተጋብእ በእዴሁ ዘኢይፈሪ ወኢይበቀላ። 16 ብእሲት አብድ ወመግዝእት ጽንስተ ኅብስት ትከውን እንተ ኢተአምር ኅፈረ ምንተኒ ወነበረት ውስተ አንቀጸ ቤታ። 17 ወውስተ መንበራ ገሃደ ወውስተ መርሕብ ትጼውዕ ኅላፍያነ ፍኖት እለ ያረትዑ ፍኖቶሙ። 18 እለ እምውስቱቶሙ አብድ ይቀርብ ኅቤሃ ወለዘሂ የሐጽጽ አእምሮ ትኤዝዞ። 19 ወትቤሎ ኅብስተ ኅቡአ አስተሐዊዘከ ግስስ ወማየ ስርቅ መዓርዒረ ስተይ። 20 ወውእቱሰ ኢየአምር ከመ እምኅያላን በኅቤሃ ይትሀጉሎ ወመጽፈርተ ሲኦል ይትረከብ ውስተ ቤታ። 21 ወባሕቱ ቅንጽ ወኢትጉንዲ ውስተ መካና ወኢታውትር ዐይነከ ኅቤሃ ከመ ትትዐደው ፈለገ ነኪር። 22 ወእማየ ነኪር ረሐቅ ወእምዐዘቅተ ነኪር ኢትስተይ ከመ ብዙኅ መዋዕለ ትሕየው ወይትወስካከ ዓመታተ ሕይወት።

CAP. 10. 1 ወልድ ጠቢብ ያስተፌሥሕ አባሁ ወወልድ አብድ ያሐዝና ለእሙ። 2 ኢይበቀላ መዛግብት ለኃጥአን ጽድቅሰ ታድኅን እምት። 3 ኢያስተዳንስ እግዚአብሔር ነፍሰ ጻድቅተ ወሕይወተ ረሲዓንሰ ያኣትት እምድር። 4 እድ ሀካይ ብእሴ ያቲሕት ወእደ ጽኑዕ ብእሴ ያብዕል። 5 ወልድ ምሁር ጠቢብ ይከውን ወአብድሰ ላእከ ይፊሲ ርእሶ ድኅነ እመርቄ ወልድ ጠቢብ። 6 ወልድ ጠቢብ ይትጌበር በማእረር ወወልድሰ አብድ ይነውም በማእረር ነሣኤ ነፍሰ ይከውን በውስተ ዐውድ ወልድ ኃጥእ። 7 በረከተ እግዚአብሔር ውስተ ርእሰ ጻድቃን አፈ ረሲዓንሰ ይፌጽም ላህ ግብተ። 8 ዝክረ ጻድቃን ምስለ ውዳሴ ወስመ ረሲዓንሰ ይጠፍእ። 9 ልብ ጠቢብ ይትዌከፍ ትእዛዘ ወዘኢይትዔገሥ በከናፍሪሁ በማዕቅፍ ይወድቅ። 10 ወዘየሐውር በየዋሃት የሐውር እሙኅ ወዘይትሀወክ ፍኖቂሁ ይትከሠት። 11 ዘይትቃጸብ በአዕይንቲሁ ለእከይ ያስተጋብእ ለሰብእ ሐዘነ ወዘሰ ይዘልፍ ገሃደ ሰላመ ይገብር። 12 ነቅዕ ሕይወት ውስተ አፈ ጻድቃን ወለአፈ ረሲዓን ይከድኖ ሀጉል። 13 ጽልኦ ያነሥእ መዓት ወለኩሎሙ እለ ይትገአዙ ይከድኖሙ ፍቅር። 14 ብእሲ ጠቢብ እምከናፍሪሁ ያወፅእ ጥበበ በበትር ይዘብጥ (ይዘበጥ) ብእሲ ዘእንበለ ልብ። 15 ጠቢብ የኅብእ አእምሮ ወአፍ ጉጉእ ይቀርብ ለቅጥቃጤ። 16 ጥሪቶሙ ለአብዕልት ሀገር ጽንዕት ወቅጥቃጤሆሙ ለረሲዓን ንዴተ አእምሮ። 17 ግብረ ጻድቃን ሕይወተ ይገብር ወፍሬ ረሲዓን ኅጢአት። 18 ፍኖው ሕይወት የዐቅብ ተግሣጽ በተግሣጽ ዘኢይዘለፍ ይስሕት። 19 ከናፍር ልሙጻት ይከድና ጽልኦ ወእለሰ ያወፅኡ ጽእለተ አብዳን እሙንቱ። 20 እምብዝኅ ነገር ኢያመስጥ ኃጥእ እምኅጢአት ወዘይምህከሰ በከናፍሪሁ ማእምረ ይከውን። 21 ብሩር ርሱን ልሳነ ጻድቅ ወልበ ረሲዓንሰ የሐጽጽ። 22 ከናፍረ ጻድቃን የአምራ ነዋኅ ወአብዳንሰ በንዴተ አእምሮ ይመውቱ። 23 በረከተ እግዚአብሔር ላዕለ ርእሰ ጻድቃን ይእቲ ታብዕል ወኢታመጽእ ሐዘነ ውስተ ልብ። 24 ወስተ ሀጉል ይትመየጥ ረሲዕ ፍትወቱ ለጻድቅ ሥምረት በኅበ እግዚአብሔር። 25 በኅልፈተ ዐውሎ ይማስን ረሲዕ ጻድቅሰ ተግሐሥ ለዓለም ይድኅን። 26 ከመ ቆዕ ከንቱ ለስነን ወጢስ ለዓይን ከማሁ ኅጢአት ለእለ አጥረይዎ። 27 ፈሪህ እግዚአብሔር ያነውኅ መዋዕለ ወዓመተ ረሲዓንሰ ይውኅድ። 28 ትጉነዲ ትፍሥሕት

THEOT Proverbs in IES 77

ምስለ ጻድቃን ተስፋሆሙስ ለረሲዓን ትትሀጉል። 29 ጽንዑ ለኄር ፈሪህ እግዚአብሔር ወቅቅጥቃጤ ለእለ ይገብሩ እኩዩ። 30 ጻድቅ ለዓለም ኢይኤብስ ወረሲዓንስ ኢየሳድሩ ውስተ ምድር። 31 አፈ ጻድቃን ይነብብ ጥበበ ወልሳነ ዐማፅያን ይትሀጉል። 32 ከናፍረ ጻድቃን ያውገዛ ሞገስ ወአፈ ረሲዓንስ ይትከላእ እምአእምር።

CAP. 11. 1 መዳልወ ዐመፃ ርኩስ በጎበ እግዚአብሔር መዳልወ ጻድቅስ ጎሩይ ውእቱ። 2 ጎበ ሀሎ ጽእለት ህየ ሀሎ ጎሣር አፈ የዋሃንስ ይትሜሀር ጥበበ። 3 ተፍጻሜቶሙ ለጻድቃን ትመርሐሙ ወፅቅፀቶሙስ ለረሲዓን ትዲወዎሙ። 4 ኢይበቀሩ ንዋይ በዕለተ መዓት ወጽድቅስ ታድሳን እሞት መዊቶ ጻድቅ ጎደገ ንስሓ ጉቡአን በእድ ይከውን ወሠሐቀ ሞቱ ለረሲዓ። 5 ወጽድቁ ለንጹሕ ያረትፅ ፍኖቶ ወጎጢአትስ ትወርድ ዲበ ረሲዓን። 6 ጽድቆሙ ለራትዓን ሰብእ ትባልሐሙ ወበኢያእምሮቶሙ ይትአጎዙ ኃጥአን። 7 መዊቶ ብእሲ ጻድቅ ኢየሀጉል ተስፋሁ ትምክሕቶሙስ ለረሲዓን ትጠፍእ። 8 ጻድቅስ እማፅገት ያመሥጥ ወቤዛ ዚአሁ ይትወሀብ ረሲዓ። 9 ውስተ አፈ ረሲዓን መሥገርት ለሀገር ወተዐውቆ ጽድቅስ ፍኖት ሠናይት። 10 በጎሩተ ጻድቃን ትረትፅ ሀገር ወበሀጉሎሙ ለረሲዓን ትትፌሣእ። 11 በበረከቶሙ ለራትዓን ትትሌዓል ሀገር ወበአፋሆሙ ለረሲዓን ትትገፈታፅ። 12 ይሜንኑ ሰብእ ሀገር ነዳየ ጠቢብ ወብእሲስ ጠቢብ ጽማዌ ያመጽእ። 13 ብእሲ ዘክልኤ ልሳኑ ይከሥት ምክረ ማኅበር ወምእመነ እስትንፋስስ የጎብእ ምክረ። 14 እለ አልቦሙ ጎዳፍ ይትነገፉ ከመ ቈጽል መድጎኒት በብዙጎ ምክር ይሄሉ። 15 እኩይ የአኪ ሶበ ይዴመር ምስለ ጻድቅ ወይጸልእ ድምፀ ዑቃቤ። 16 ብእሲት ኄርት ታነሥእ ክብረ ለምታ ብእሲትስ እንተ ትጸልእ ጽድቀ መንበረ ጎሣር ይእቲ። 17 ሀካይያን እምብዕል ይነድዩ ወጽኑዓንስ ይዴግኑ ብዕለ። 18 ለነፍሱ ይገብር ሠናየ ብእሲ መሓሪ ወያማስን ሥጋሁ ዘኢይምሕር። 19 ረሲዕ ይገብር ምግባረ ዐመፃ ወለዘርዐ ጻድቃንስ ዐስብ ህልው። 20 ወልደ ጻድቅ ይትወለድ ለሕይወት ወልደተ ረሲዓንስ ለሞት። 21 ርኩሳት በጎበ እግዚአብሔር ፍናው ጠዋያት ወጎሩያን በቅድሜሁ ኩሎሙ እለ ንጹሐን በፍኖቶሙ። 22 እደ በእድ ዘይእጎዝ በግፍፅ ኢይድሳን እምጎጢአት ወዘይዘርዕስ ጽድቀ ዐስበ መሀይምናን ይነሥእ። 23 ከመ ውፅዕ ወርቅ ውስተ ጽንፈ አንፈ ሐራውያ ጎሡም ከማሁ ላህያ ለብእሲት እኪት። 24 ፍኖተ ጽድቅ ኩሎ ሠናይ ተስፋሆሙስ ለረሲዓን ይትሀጉል። 25 ቦ እላ ዘዚአሆሙ ይዘርዑ ወያፈደፍዱ ወቦ እለ እንዘ ያስተጋብኡ የሐጽጹ። 26 ወኩላ ነፍስ እንተ ትትባረክ ስፍሕት ወብእሲስ መዓትም ሕሡም። 27 ዘያበዝጎ ሥርናየ የጎድጎ ለአሕዛብ ወይረግምዎ ነዳያን ወበረከት ውስተ ርእሱ ለዘይምሕር ወይሁብ። 28 ዘይኔሊ ሠናየ ይፈቅድ ክብረ ሠናየ ወዘስ የጎሥሣ ለእኪት ትረክቦ። 29 ዘይትወከል በብዕሉ ውእቱ ይወድቅ ወዘይትዌከፎሙስ ለጻድቃን ይሠርዕ። 30 ዘኢየዐውቅ ቤቶ ይወርሶ ነፋስ ወይትቀነይ አብድ ለጠቢብ። 31 እምፍሬ ጽድቅ ይወፅእ ዕፅ ሕይወት ወይሴስላ ግብተ ነፍሳተ ዐማፅያን። 32 ወሶበ ጻድቅ እምፅፁብ ይድሳን ረሲዕ ወኃጥእ ወዐማዒ በአይቱ ያስተርኢ።

CAP. 12. 1 ዘያፈቅር ተግሣጸ ያፈቅር አእምሮ ወዘይጸልእስ ተግሣጸ አብድ ውእቱ። 2 ይኔይስ ዘረከበ ሞገስ በጎበ እግዚአብሔር ወብእሲስ ዐማዒ ይትሄየይ። 3 ዘኢያረትፅ ሰብእ እምዐመፃ ይትሀጉል ወሥርወ ጻድቃንስ ኢይትመሐው። 4 ብእሲት አዛዝ አክሊል ለምታ ወከመ ዕፄ ለዕፅ ከማሁ ብእሲት እኪት ምግባር ታሀጉል ልበ ብእሲ። 5 ጎሊናሆሙ ለጻድቃን ፍትሕ ወይሔድፉ ረሲዓን ሕብለ። 6 ነገረ ረሲዓን ጉሕሉት ወአፈ ረሲዓንስ ታድሳኖሙ። 7 ጎበ ተመይጦ ረሲዕ ይማስን አብያተ ጻድቃንስ ይሄልዉ። 8 አፈ ጠቢብ ይትዌደስ በጎበ ኩሎ ሰብእ ወእዩየ ልብስ ይትሜነን። 9 ይኔይስ ብእሲ ዘበጎሣሩ ይትቀነይ እምነ ዘያነብር ክብረ ሎቱ ወይትፈአም ጎብስተ። 10 ይምሕር ጻድቅ ነፍስ እንስሳሁ ወምሕረቶሙስ ለረሲዓን ኢ ምጽዋት። 11 ዘይትጌበራ ለምድር ያበዝጎ ጎብስተ ወዘስ ይዴግን ጽርዐተ ያስተጋብእ ንዴተ እስመ ውእቱ ነዳየ አእምሮ። 12 ዝ ውእቱ ምዑዝ ለመትልወ ወይን ወበጎይለ ዚአሁ የጎድግ ኃሣረ። 13 ፍትወተ ረሲዓን እኪት ወሥርዎሙስ ለኄራን ውስተ ጽንዕ። 14 በጎጢአተ ከናፍሪሁ ይወድቅ ኃጥእ ውስተ መሥገርት ወያመሥጥ እምኔሁ ጻድቅ። 15 ዘይኔጽር ስፉሐ ይትሜሀር ወዘስ ይዳደቅ በአናቅጽ ያመነድብ ነፍሳተ። 16 እምፍሬ አፋሁ ነፍስ ብእሲ ይመልእ በረከተ ወዕሄተ ከናፍሪሁ ይትወሀብ ሎቱ። 17 ፍኖተ አብዳን ርቱፅ በቅድሜሆሙ ወይስምዕ ምክረ እዝነ ጠቢብ። 18 አብድ እንተ ጸብሐት ይነግር መዓቶ ማእምርስ የጎብእ ኃሣረ። 19 እንተ ታስተርኢ ሃይማኖተ ይነግር ብእሲ ጻድቅ ወስማዕተ እኩያንስ ሕብል። 20 እለስ ይከውኑ ስምዐ በሐሰት ይቀትሉ በመጥባሕት እስመ ንቡር ውስተ አፋሆሙ መጥባሕት ወልሳነ ጠቢባንስ ይፌውስ ዘቈስለ። 21 ከናፍረ ጻድቃን ያረትዓ ስምዐ ወስማዕት ጉጉዕ በልሳን እኩይ። 22 ሕብል ውስተ ልቡ ለዘይኔሊ እኩየ ወእለስ ይፈቅዱ ሰላመ ይትፌሥሑ። 23 ኢያምሮ ለጻድቃን ምንትኒ እኩይ ወረሲዓንስ ያበዝጎ እኩየ። 24 ምነናት በጎበ እግዚአብሔር ከናፍረ ሐሰት ወዘይገብርስ ሃይማኖተ ሥሙር በጎቤሁ። 25 ብእሲ ማእምር መንበረ ጥበብ ወልበ አብዳንስ ይዳደቅ መርገመ። 26 እደ ጎሩያን ይእጎዝ ፍጡጎ ወሕቡላንስ ይከውኑ ለዒዋዌ። 27 መደንግፅ ቃል የሀውክ ልበ ብእሲ ጻድቅ ወዜና

ሠናይስ ያስተፈሥሕ ልብ ብእሲ ጠቢብ። 28 ማእምረ ርእሱ ጻድቅ ውእቱ ለርእሱ ወግዕዞሙስ ለረሲዓን አኮ አዳም። 29 ለአላ ይኤብሱ ይዴግኖሙ እኩይ ወፍኖቶሙስ ለረሲዓን ታስሕቶሙ። 30 ይዳደቅ ሕብል ለአስግሮ ጥሪት ወክቡር ብእሲ ንጹሕ። 31 ውስተ ፍናወ ጽድቅ ሕይወት ወእለስ ይዜከሩ እኩየ ውስተ ሞት ይሄልዉ።

CAP. 13. 1 ወልድ ማእምር ሰማዔ አብ ይከውን ወወልድስ ዘኢይስምዕ ይከውን ለሀጉል። 2 ወእምፍሬ ጽድቁ ይበልዕ ኄር ወነፍስ ዐማፅያንስ ይትሀጉል ቆየሙ። 3 ዘየዐቅብ አፋሁ ይትመሐፀና ለነፍሱ ወጉጉእስ በከናፍሪሁ ያወድቅ ርእሱ። 4 ኩሉ ዘኢይትቀነይ ውስተ ፍትወት ሀሎ ወእዴሆሙ ለኄራን ያስተሐምም። 5 ቃለ ዐማዒ ይጸልእ ጽድቀ ወረሲዕስ የኅፍር ወኢይመጽእ ገሃደ። 6 ጽድቅ ተዐቅቦሙ ለየዋሃን በፍኖት ለረሲዓንስ እቡስ ይፊስኖሙ ኅጢአት። 7 ቦ እለ ያሌዕሉ ርእሶሙ እንዘ ምንትኒ አልቦሙ ወቦ እለ ያቱሕቱ ርእሶሙ እንዘ ብዙኅ ብዕሎሙ። 8 ቤዛ ነፍሱ ለብእሲ ጥሪተ ብዕሉ ወነዳይስ ኢይትቃወም መዓተ። 9 ብርሃን ለጻድቃን በኩሉ ጊዜ ወብርሃን ረሲዓንስ ትጠፍእ። 10 ነፍሳተ ሕቡላን ይስሕታ በኅጢአት ወጻድቃንስ ይምሕሩ ወይመጸውቱ። 11 እኩይ ዘምስለ ጽእለቱ ይገብር እኩየ ወእለስ የአምሩ ርእሶሙ ጠቢባን እሙንቱ። 12 አጥርዮ ዘይጉጉእ በኅጢአት ውጉደ ይከውን በደኃሪቱ ወዘስ ያስተጋብእ ለርእሱ በጽድቅ ይፈደፍድ ሎቱ ጻድቅኒ ይምሕር ወይሌቅሕ። 13 ይኄይስ ዘይዌጥን ይርዳእ ነፍሶ እምነ ዘይብዕል ወያጸንዕ ለተስፋ። 14 ዕፀ ሕይወት ይእቲ ፍኖት ሠናይት። 15 ዘያስትት ግብረ እግዚአብሔር ውእቱኒ ያስትቶ ወዘስ ይፈርህ ትእዛዞ የሐዩ ቦቱ። 16 ለወልድ ሕቡል አልቦቱ ምንትኒ ሠናይ ለገብርስ ጠቢብ ሠናየ ይከውን ምግባሩ ወይረትዕ ፍኖቱ። 17 ሕገ ጠቢብ ነቅዕ ሕይወት ወዘእንበለ ልብስ በአበሳ ይመውት። 18 አእምሮ ሠናይ ይሁብ ጥበበ ወሞገስ ወፍናዊሆሙስ ለህዩያን ውስተ ሀጉል። 19 ኩሉ ማእምር ይገብር በምክር ወአብድስ አስረረ እከየ ዚአሁ። 20 ላእክ አብድ ይወድቅ ውስተ እኪት ወሐዋርያስ ጠቢብ ያድኅን ርእሱ። 21 ንዴተ ወኃሣረ ያሌስል ትምህርት ወዘየዐቅብስ ተግሣጻ ይከብር። 22 ፍትወተ ኄራን ያጥዒ ነፍስ ወምግባረ ረሲዓንስ ርሑቅ እምአእምሮ። 23 ዘይደመር ምስለ ጠቢብ ጠቢብ ይከውን ወዘስ ያንዘሃልል ምስለ አብዳን አብደ ይከውን። 24 ለእለ ይኤብሱ ይዴግኖሙ እኩይ ወለጻድቃንስ ይረክቦሙ ሠናይ። 25 ኄር ብእሲ ይፊኢ ውሉደ ውሉድ ወይዘገብ ለጻድቃን ብዕለ ረሲዓን። 26 ጻድቃን ይሄልዉ በብዕል ዓመታተ ብዙኅ ወዐማፅያንስ ይትሀጉሉ ፍጡነ። 27 ዘይምሀከ በትሮ ጸልእ ወልዶ ወዘያፈቅርስ ወልዶ ወትረ ይጌሥጽ። 28 ጻድቅስ እንዘ ይበልዕ ይመልእ ነፍሶ ነፍስ ረሲዓንስ ጽኑስ።

CAP. 14. 1 ጠባባት አንስት ሐነጻ አብያተ ወአብዳትስ ነሠታ አብያቲሆን በእደዊሆን። 2 ዘየሐውር ፍኖተ ርቱዕ ይፈርሆ ለእግዚአብሔር ወዘስ ያጠዊ ፍኖቶ ይትሜነን። 3 እምአፈ አብዳን ይወፅእ በትረ ጽእለት ወከናፍረ ጠቢባንስ ተዐቅቦሙ። 4 ወእደ አልቦ አልሕምት ምጽንጋዕ ንጹሕ ወእደስ ብዙኅ እክል ይትወወቅ እምኅይለ ላሕሙ። 5 ስምዐ መሀይምናን ኢይሔሱ ወያነድድ ነፍስ ሰማዕተ ሐሰት። 6 ተኅሥሣ ለጥበብ በኅበ እኩያን ወኢትረክባ ወአእምሮስ በኅበ ጠቢባን ቀሊል። 7 ኩሉ ርቱዕ በቅድሜሁ ለብእሲ አብድ ወወልታ አእምሮ ከናፍረ ጠቢባን። 8 ጥበብ ለማእምራን ተአምር ፍኖቶሙ ወለእለ ዘእንበለ ልብስ ውስተ ስሑት ይከውን ፍኖቶሙ። 9 አብያቲሆሙ ለኃጥኣን ይፈድዩ ለንጹሓን ወአብያተ ጻድቃንስ ሥሙር። 10 ልብ ብእሲ ማእምር ሐዘን ለነፍሱ ወሶበሂ ይትፈሣሕ ኢይትሐወሶ ጽልእ። 11 አብያተ ረሲዓን ይማስኑ ወማኅደረ ራትዓንስ ይቀውም። 12 ቦ ፍኖት እንተ ትመስል ርትዕተ በኅበ ሰብእ ወደኃሪታስ ታበጽሕ ውስተ ማዕምቅተ ሲአል። 13 ውስተ ፍሥሓ ኢይዴመር ሐዘን ደኃሪታስ ለፍሥሓ ውስተ ላህ ትገብእ። 14 እምፍኖተ ዚአሁ ይመልእ እቡየ ልብ ወብእሲ ኄር እምኅሊናሁ ይመልእ በረከተ። 15 የዋህ የአምን ኩሎ ነገረ ማእምር ባሕቱ ይገብእ ውስተ ንስሓ። 16 ጠቢብ ፈሪሖ ተግሕሠ እምአኩይ ወአብድስ ተአሚኖ ርእሶ ይጸመር ምስለ አብዳን። 17 መዓትም ይገብር ዘእንበለ ምክር ብእሲስ ጠቢብ ብዙኅ ይትዔገሥ። 18 ይትካፈሉ አብዳን እከየ ማእምራንስ ይእኅዘዎ ለጠይቆ። 19 ይድኅፁ እኩያን በቅድመ ኄራን ወረሲዓንስ ይትቀነዩ በኖኅተ ጻድቃን። 20 አዕርክተ አብዕልት ይጸልኡ አዕርክተ ነዳያን አዕርክተ አብዕልትስ ብዙኃን። 21 ዘይሜንኖ ለነዳይ ይነዳ ወዘይምሕሮስ ለጽኑስ ብፁዕ ውእቱ። 22 ስሑታን ይኄልዩ እከየ ወሣህለ ወጽድቀ ይኄልዩ ኄራን ወኢየአምሩ ሣህለ ወምሕረተ ጸረብተ እኪት። 23 ምሕረት ባሕቱ ወሃይማኖት ኅበ ጸረብት ኄራን በኩሉ ኅሊና ትሩፍ ውእቱ ወላህይስ ዘኢየሐምም ጽኑስ ውእቱ። 24 አክሊሎሙ ለጠቢባን ማእምር ወመምህሮሙ ለአብዳን እኩይ። 25 ያድኅን ነፍሶ እምእኩይ ሰማዕት ማእምር ወያነድድ ባሕቱ በሐሰት ሰማዕት መዓምዕ። 26 በፍርሀተ እግዚአብሔር ተስፋ ኅያል ወየኅድግ ለደቂቁ ጽንዑ። 27 ትእዛዘ እግዚአብሔር ነቅዕ ሕይወት ወይፊሲ ከመ ይትገሐሡ እመሥገርተ ሞት። 28 በብዝኅ አሕዛብ ክብሩ ለንጉሥ ወበውኅደተ አሕዛብ ድቀቱ

ለመኩንን። 29 ብእሲ ነዊሳ መንፈስ ወርኒበ ልብ ጠቢብ ይከውን። 30 ብእሲ መስተዐግሥ ብዙኅ ጠቢብ ይከውን ወሐጽ ነፍስስ ጽኑስ አብድ ውእቱ። 31 አራቂ ብእሲ መፈውስ ልብ ከመ ነቀዝ ለአዕፅምት ቅንኣት ወትዝኅርት እኩይ ለልብ ማእምር። 32 ዘይትዔገል ነዳየ ይዌህ ለፈጣሪሁ ወዘያከብርስ ይምሕር ነዳየ። 33 በእኩይ ይትአተት ረሲዕ ወዘይትአመንስ ጒሩቶ ጻድቅ ውእቱ። 34 ውስተ ልብ ኄር ተዐርፍ ጥበብ ወውስተ ልብ አብድስ ኢትትአመር። 35 ጽድቅ ታሌዕል ሕዝበ ወያሐጽ ጎጢአት ሕዝባ። 36 ሥሙር ለንጉሥ ላእክ ማእምር ወበተዐቅቦቱ ያርሕቅ ኃሣረ እምነፍሱ ወመዓት ታህጉል ጠቢባነ።

CAP. 15. 1 በነገር ዘይትጋይ ይመይጥ መዓተ ባሕቱ ቃል ማኅዘኒ ያነሥዕ ጋእዘ። 2 ልብ ጠቢባን ሠናየ ተአምር ወአፈ አብዳንስ ይዜኑ እኩየ። 3 ውስተ ኩሉ መካን አዕይንቲሁ ለእግዚአብሔር ወያስተሐይጽ እኩያነ ውኄራነ። 4 መፈውስ ልሳን ዕፅ ሕይወት ውእቱ ወዘሰ የዐቅብ ይመልእ መንፈስ። 5 ወልድ አብድ ያስተአኪ ተግሣጸ አብ ወዘሰ የዐቅብ ተግሣጸ ጠቢብ ውእቱ። 6 ወእደ ትበዝኅ ጽድቅ ኅይል ብዙኅ ወረሲዓንስ እምሥርዎሙ እምድር ይሄረዉ። 7 ከናፍረ ጠብብት እሡር በአእምሮ ወልብ አብዳንስ አኮ ጽኑዕ። 8 መሥዋዕተ ረሲዓንስ ርኩስ በኅበ እግዚአብሔር ወጸሎተ ኄራንስ ሥሙር በኅቤሁ። 9 ርኩስ በኅበ እግዚአብሔር ፍኖተ ረሲዓን ወለእለስ ይዴግንዋ ለጽድቅ ያፈቅሮሙ እግዚአብሔር። 10 ትእምርተ የዋሃን ትትዐወቅ በኅበ እለ የኅልፉ ወእለስ ይጸልኡ ዝልፈተ ይመውቱ በእኩይ። 11 ገሃነም ወዋት ክሡታን በኅበ እግዚአብሔር እፎ እንከ ልብ ሰብእኒ። 12 ኢያፈቅር አብድ እለ ይጌሥጽዎ ወምስለ ጠቢባን ኢይትናገር። 13 ልብ እምከመ ትትፌሣሕ ትበርህ ገጽ ወእመስ ተሐዝን ትዴምን። 14 ልብ ርትዕት ተኅሥሥ አእምሮ አፈ አብዳንስ የኅሥሥ እኩየ ኩሉ መዋዕለ። 15 አዕንተ እኩያን ይሴፈዋ እኩየ ውኄራንስ ያረምሙ በኩሉ ጊዜ። 16 ትኄይስ ንስቲት መክፈልት ዘበፍርህተ እግዚአብሔር እመዛግብት ዐበይት ዘበኢፈሪህ። 17 ይኄይስ ፍተ ሐምል ፍቅር ዘቦቱ እምላሕም መግዘዕ ዘቦቱ ጽልእ። 18 ብእሲ መዓትም ያስተዴሉ ጋእዘ ወመስተዓግሥኒ ብእሲ እንተ ኮነትኒ ያጠፍእ ወረሲዕስ ያነሥእ ጥቀ ጽልእ። 19 ፍናወ ሀካይያን ንጹፍ አሥዋክ ወዘጽኑዓንስ መጽያሕት። 20 ወልድ ጠቢብ ያስተፌሥሕ አባሁ ወወልድ አብድ ያጼእል እሞ። 21 ፍናወ አብድ ነዳየ አእምሮ ጠዋያት ወብእሲስ ጠቢብ አርቲያ የሐውር። 22 ያጠርዩ ኅሊና እለ ያከብሩ ማኅበረ ወውስተ ልብ መካርያን ትነብር ምክር። 23 ወኢይስምዐ ላቲ እኩይ ወአልቦ ዘይብል ጥዑም ወሠናይ ለማኅበር። 24 ፍናወ ሕይወት ኅሊናሁ ለጠቢብ ከመ ተግሒሥ እም ሲኦል ይድኅን። 25 አብያተ ጸኢልያን ያንኅል እግዚአብሔር ወያጸንዕ ወሥነ መበለት። 26 ምኑን በኅበ እግዚአብሔር ኅልዮ ዐመፃ ወለንጹሓንስ ነገሮሙ አዳም። 27 ያህጉል ርእሶ ዘሕልያነ ይነሥእ ወዘይጸልእስ ነሢኦ ሕልያን ይድኅን። 28 በምጽዋት በሃይማኖት ይሰረይ ኅጢአት ወበፈሪህ እግዚአብሔር ይትገሐሥ ኩሉ እኩይ። 29 ልብ ጻድቃን ይትጫህር ሃይማኖተ ወአፈ ረሲዓንስ ያወሥእ እኩያተ። 30 ሥሙራት በኅበ እግዚአብሔር ፍናወ ሰብእ ጻድቃን ወበእንቲአሆሙ ጸላእትኒ አዕርክተ ይከውኑ። 31 ነዋሳ ይርሕቅ እግዚአብሔር እምረሲዓን ወጸሎተ ጻድቃንስ ይሰምዕ ይኄይስ ኅዳጥ ኅብስት ምስለ ጽድቅ እምብዙኅ ፍሬ ዘምስለ ዐመፃ። 32 ልብ ብእሲ ኄር ይኄሊ ጽድቅ ከመ እምኅበ እግዚአብሔር ይረትዕ አሠሩ ዐይን ዘይኔጽር ሠናየ ያስተፌሥሕ ልብ ወዜና ጒሩት ያጠልል አዕፅምትየ። 33 ዘይሰምዕ ዘለፋ ጠቢብ ምስለ ጠቢባን ይዴመር። 34 ወዘይትከላእ እምተግሣጽ ይጸልእ ርእሶ ዘያፈቅርስ ተግሣጸ ያፈቅር ርእሶ።

CAP. 16. 1 ፈሪህ እግዚአብሔር አእምሮ ሠናይ ወጥበብ ቀዳሚት ክብር ይእቲ ለዘያወሥኦ ላቲ ወትተልዎሙ ለየዋሃን ክብር። 2 ኩሉ ምግባሩ ለትሑት ሥሙር በኅበ እግዚአብሔር ወረሲዓንስ ይትሀጉሉ በዕለት እኪት። 3 ርኩስ በኅበ እግዚአብሔር እቡየ ልብ እደ በእድ ዘይእነዝ በዐመፃ ኢይነጽሕ። 4 ቀዳሚት ፍኖት ኄርት ገቢረ ጽድቅ ሥሙር በኅበ እግዚአብሔር ጥቀ እምዘቢሐ መሥዋዕት። 5 ዘየኅሥሥ ለእግዚአብሔር ይረክብ አእምሮ በጽድቅ። 6 ወእለስ ርትዕ የኅሥሡ ይረክቡ ሰላመ። 7 ኩሉ ምግባሩ ለእግዚአብሔር ዘምስለ ጽድቅ። 8 ይትዐቀብ ረሲዕ ለዕለት እኪት። 9 ሰገል ውስተ አፈ ንጉሥ ወበፍትሕ ኢይጌጊ አፉሁ። 10 ከመ ለጽሊጸ ልሳነ መዳልው ፍትሕ እግዚአብሔር ወምግባሩኒ አእባነ ቊሩማት። 11 ምኑን በኅበ እግዚአብሔር መዳልወ ዐመፃ ወምኑን በኅበ ንጉሥ ዘይገብር እኩየ ወምስለ ጽድቅ ይነብር መንበረ ምክናን። 12 ሥሙር በኅበ ንጉሥ ከናፍረ ጽድቅ ወነገረ ርቱዕ ያፈቅር እግዚአብሔር። 13 መዓተ ንጉሥ ከመ መልክሕ ሞት ወብእሲስ ጠቢብ ይዬውሆ። 14 ከመ ብርሃነ ፀሓይ ገጸ ንጉሥ ወበእለ ኢያሠምርዎስ ከመ ደመና ምሴት። 15 አጥርዮታ ለጥበብ ይትበደር እምወርቅ ወአጥርዮታ ለአእምሮ ይኄይስ እምብሩር። 16 ፍናወ ሕይወት ያግሕሣ እምእኩይ ውኑኅ መዋዕል ፍናወ ጽድቅ። 17 ዘይትዌከፍ ትምህርተ ውስተ ሠናይ ይሄሉ ወዘየዐቅብሂ ተግሣጸ ይጠበብ። 18 ፍናዊሁ ይትመሐፀና ለነፍሱ ወዘያፈቅር ሕይወቶ ይዕቀብ አፉሁ። 19 እምቅድመ ባእስ ይቀድም ጽኢል ወእምቅድመ ድቀት አእምሮ እኩይ። 20 ይኄይስ ዐራቄ መዓት ዘበአትሕቶ እምዘይትካፈል በርበረ ምስለ

ጸሐፊያን። 21 ማእምር ዘበምግባሩ ረካቢሆን ለኄራት ወዘይትዌክልሰ በእግዚአብሔር ብፁዕ። 22 ለጠቢብ ማእምረ ይሰምደዎ ወለጥዑ መቃል ፈድፋድ ይጼውዕዎ። 23 ነቅዕ ሕይወት ኅሊና ሠናይት ለእለ አጥረይዎ ወትምህርተ አብዳንሰ እኪት። 24 ልብ ጠቢብ ይትአመር እምአፋሁ ወውስተ ከናፍሪሁ ይለብስ ተዐውቆ። 25 ጸቃውዐ መዓር ነገር ሠናይ ወመዓርዒሮን ፈውሰ ነፍስ። 26 ቦ ፍናው ዘይመስላሁ ለብእሲ ርቱዓተ ወጽንፎንኒ ይኔጽራ ማዕምቅተ ሲኣል። 27 ብእሲ በሕማሙ የሐምም ለርእሱ ወይትኔየል በርእሱ ሀጉል ወባሕቱ ጠዋይ ውስተ አፋሁ ይለብስ ሀጉለ። 28 ብእሲ አብድ ይከሪ ለርእሱ እከየ ወውስተ ከናፍሪሁ ይዘግብ እሳተ። 29 ብእሲ ጠዋይ ይልእክ እከየ ወማኅቶተ ሐብል ታውዕዮሙ ለእኩያን ወትሌሊ አዕርክተ። 30 ብእሲ እኩይ የሐብል አዕርክተ ወይወስዶሙ ፍናው እለ ኢኮና ኄራተ። 31 ዘያወትር በአዕይንቲሁ ይኄሊ ጠዋየ ወዘያቤይድ በከናፍሪሁ ኩሎ እኩየ ዘእቶን እከይ ውእቱ። 32 አክሊለ ምክሕ ርሥዕ ሠናይ ወውስተ ፍናው ጽድቅ ይትረከብ። 33 ይኄይሰ ብእሲ ዕጉሥ እምኅያል ወብእሲ ዘጥብብ ቦቱ እምወፍር ዐቢይ። 34 ዘይሄለጥ በመንፈሱ እምዘይመልክ ሀገረ ወዘይትጫገሥ መዓተ ይኄይሰ እምዘ ያስተጋብእ ሀገረ። 35 ለብእሲ ዐማሂ ውስተ ሕፅኑ ይገብእ ኩሎ ዐመፃሁ ወእምኅብ እግዚአብሔር ኩሎ ጻድቅ።

CAP. 17. 1 ይኄይሰ ፍት ጥዑም ምስለ ሰላም እምቤት ዘምሉእ ብዙኅ ሠናይተ ወእምዘ ዐመፃ ጥብሕ ምስለ ጋእዝ። 2 ገብር ጠቢብ ይሜብል አጋእዝተ አብዳነ ወምስለ እኃው ይትካፈል ርስተ። 3 በከመ ይትፈተን ወርቅ ወብሩር በከውር ከማሁ ኅሩያነ ልብ በኅብ እግዚአብሔር። 4 እኩየ ያሠምዕ ልሳኖሙ ለእለ ዘእንበለ ሕግ ጻድቅስ ኢይኔጽር ከናፍረ ሐሰት። 5 ለምእመን ኩሎ ዘበዓለም ንዋዩ ወለዘኢምእመንስ ኢጸሪቅ ሎቱ። 6 ዘይሥሕቆ ለነዳይ ይዌህኮ ለፈጣሪሁ ወዘይትፌሣሕ ላዕለ ዘይትሀጉል ኢይድኅን ወዘይምሕርሰ ይትሜሐር። 7 አክሊሎሙ ለእእሩግ ውሉደ ውሉድ ወምክሐሙ ለውሉድ አበዊሆሙ። 8 ኢይትዋደዶ ለአብድ ከናፍረ ወሃይምንት ወኢጻድቅ ከናፍረ ሐሰት። 9 ዐስበ ሞገስ ትምህርት ለእለ አጥረይዎ ኅብ ተመይጦ ታህኒ ፍኖቶ። 10 ዘየኅብእ አበሳሁ ይፈቅድ ዕርቀ ወዘይጸልእስ ኅቢኣ ይሌሊ አዕርክተ ወሰብኣ ቤት። 11 የሐዝን ትምክሕት ልብ ጠቢብ ወአብድስ ተቀሣፎ ኢይትዐወቆ ቅሥፈቱ። 12 ቅስተ ያነሥእ ኩሎ እኩይ ወእግዚአብሔር ይፌኑ መልክኮ ዘእንበለ ምሕረት ቦቱ። 13 ይወድቅ ብእሲ ማእምር ውስተ ትካዝ ወአብዳንሰ ይኄልዩ እኩየ። 14 ዘየዐሲ እኩየ ህየንተ ሠናይ ኢያንቀለቅል እኩይ እምነ ቤቱ። 15 ዐሂወ ማይ ቀዳሜ ጽልእ ወመኰንና ለንዴት ጋእዝ ወባእስ ሥልጣነ ነገር ይሁብ ቀዳሜ ጽድቅ። 16 ዘከመ ጻድቅ ይኰንኖ ለኃጥእ ወዘከመ ኃጥእ ለጻድቅ ርኩስ ምኑን በኅብ እግዚአብሔር። 17 ለምንት ጥሪት ለአብድ አጥርዮታ ለጥብብ ዘእንበለ ልብ ኢይትከሀል። 18 ዘያነውኅ ቤቶ የኅሥሥ ቅጥቃጤ ለርእሱ ወዘያስተዐፅብ ለተምህሮ ይወድቅ ውስተ አኪት። 19 በኩሎ ጊዜ አጥሪ ዐርክ ወአኃወ በምንዳቤ በቋዕያነ ይከውኑ እስመ በእንተ ዝ ይትወለዱ። 20 ብእሲ አብድ ይጠፍሕ እዴሁ ወይትሐሠይ በርእሱ ከመ ዘይትሀበይ ህቢተ ለዐርኩ። 21 መፍቀሬ ጋእዝ ይትፌሣሕ በባእስ ወጽኑዐ ልብስ ኢይዳደቅ ሠናየ። 22 ብእሲ መያጤ ልሳን ይወድቅ ውስተ እኪት ወልብ አብድስ ሐዘን ለዘአጥረ። 23 ኢይትፌሣሕ አብ በወልድ ዘእንበለ ትምህርት ወልድ ጠቢብ ያስተፌሥሕ እሞ። 24 ልብ ፍሥሕት ሠናየ ትገብር ብእሲ ሐዛኒ ያየብስ አዕፅምቲሁ። 25 ዘይነሥእ ሕልያነ ውስተ ሕፅኑ በዐመፃ ኢያረትዕ ፍትሐ ወረሲዕስ ይትገሐሥ እምፍናወ ጻድቃን። 26 ገጹ ማእምር ለብእሲ ጠቢብ ወአዕይንቲሁ ለአብድ ውስተ ከተማ ምድር አዕይንቲሁስ ለጠቢብ ዲበ ርእሱ። 27 መዓት ለአብ አብድ ውሉድ ወሐዘን ለእንተ ወለደቶ። 28 አኅሥሮቱ ለጻድቅ ብእሲ አኮ ሠናይ ወአኮ ሠናይ ለመኳንንተ ጽድቅ ሐቢል። 29 ዘይምህክ አውፅኦ ቃለ ንቁጸ ማእምር ውእቱ ወመስተዓግሥ ብእሲ ጠቢብ። 30 አብድ ለእመ ተሰኣለ ጥበበ ይከውኖ በአርምሞስ ወበተሐክሞ ይመስል ጠቢብ።

CAP. 18. 1 ምክንያተ የኅሥሥ ብእሲ ዘይፈቅድ ይትፈለጥ እምአዕርክቲሁ ወበኩሎ ጊዜ ዝንጓጌ ይከውን። 2 ኢይፈቅድ ጥበበ ነዳየ አእምሮ ወባሕቱ ይመልኮ እበድ። 3 ሶበ መጽኦ ረሲዕ ውስተ ዕመቀ እከያት ይትሄየይ ወያመጽእ ኃሣረ ወዝንጓጌ። 4 ማይ ዕሙቅ ውስተ ልብ ብእሲ ጠቢብ ወፈለግ ዘይፈለፍል ነቅዕ ሕይወት። 5 አንክሮ ገጸ ረሲዓን አኮ ሠናይ ወአኮ አዳም አግሕሦ ጽድቅ በፍትሕ። 6 ከናፍሪሁ ለአብድ ያበጽሖ ውስተ እከይ ወአፋሁ ለጉጉዕ ይጼውዕ ሞተ ለርእሱ። 7 አፋሁ ለአብድ ቅጥቃጤሁ ወከናፍሪሁ መሥገርተ ነፍሱ። 8 ሀካይያን ያበዝኑ ፍርሀተ ወመንፈስ ሰብእስ ጽኑሳን ይርኅብ። 9 ዘኢይፌውስ ርእሱ በምግባሪሁ እኅሁ ውእቱ ለዘርእሶ ይበልዕ። 10 ዐቢይ ኅይል ስመ እግዚአብሔር ወኪያሁ በዴግኖ ጻድቃን ይትሌዓሉ። 11 ጥሪቱ ለብእሲ ባዕል ሀገር ጽንዕት ወበክብራ ዐቢየ ትጼልል። 12 ዘእንበለ ቅጥቃጤ ይትጫበይ ልብ ብእሲ ወዘእንበለ ክብር ይቱሐት። 13 ዘይነብብ ቃለ ዘእንበለ ይስማዕ አብድ ውእቱ ወሎቱ ይደሉ ምናኒ። 14 መዓተ ንጉሥ ያኃሥዕ ገብር ጠቢብ ለሕጹጽ ነፍስስ ብእሲ መኑ ይክሎ። 15 ልብ ብእሲ ጠቢብ ያጠሪ አእምሮ ወእዝነ

ጠቢባን የኅሥሥ ቃለ ተግሣጽ። 16 ሀብት ብእሴ ያሌዕል ወምስለ መኳንንት ያነብሮ። 17 ጻድቅ መስተዋድየ ርእሱ እምቅድመ ነገር ወበዘአምጽአ እድው ይዘልፍ። 18 ጋእዝ ያኅድግ ዕፃ ወማእከለ ፅኑዓን ይፈልጥ። 19 ወካሕደ ያኅድግ አርማሚ ወበኅበ መኳንንት ይሠርዕ። 20 እኑ ምስለ እኑ ዘይትራዳእ ከመ ሀገር ጽንዕት ወልዕልት ወጽኑዕ ከመ መሠረት ሠርርት። 21 እምፍሬ አፋሁ ይመልእ ብእሴ ከርሦ ወእምፍሬ ከፍፍሪሁ ይጸግብ። 22 ሞት ወሕይወት ውስተ እደ ልሳን ወእለስ ያጸንዕዋ ይበልው ፍሬሃ። 23 ዘረከበ ብእሴተ ኄርተ ረከበ ሞገስ ወነሥአ እምኅበ እግዚአብሔር ውኅዋኄ። 24 ዘያወፅአ ብእሴተ ኄርተ አውፅአ ሠናያተ ወዘያነብርስ ብእሴተ ዘማዊተ አብድ ወረሲዕ ውእቱ።

CAP. 19. 1 እበዱ ለብእሴ ያጠፍእ ፍናዊሁ ወለእግዚአብሔር ያስተጋፍሦ በልቡ። 2 ባዕል ይዌስክ አዕርክተ ብዙኃን ወነዳይሰ ኪያሁኒ ዘበ የኃጥእ። 3 ሰማዕተ ሐሰት ርኩስ ውእቱ ወዘየኅሥሥ በግፍዕ ኢያመስጥ። 4 ወብዙኃን ይትለክኩ በቅድመ ነገሥት ወባሕቱ ጽድቁ ወሀብቱ ለብእሴ እምኅበ እግዚአብሔር። 5 ወኩሉ እኩይ ይከውን ዝንጓጌ ብእሴ ኩሉ ዘአኃወ ነዳያነ ይጸልእ እምቃኅኃሁ ርሑቅ ውእቱ። 6 ኅሊና ሠናይት ለእለ አጥረይዋ ትቀርብ ወብእሴ ጠቢብ ይረክባ። 7 ዘብዙኅ እኩዩ ይፌጽም እኩየ ወዘያስገዝ ነገረ ኢይድኅን። 8 ዘአጥረያ ለጥብብ ያፈቅር ነፍሶ ወዘያፈቅር አእምሮ ይረክብ ኄረ። 9 ሰማዕተ ሐሰት ኢይድኅን እምኩነኔ ወዘያስተውዕያ ለእኩይ ይተሀጉል ባቲ። 10 ኢይደልዎ ለአብድ ተድላ ወለእመ ገብረ ኩነኔ ዘምስለ ጽእለት ትኄየል። 11 መሓሪ ብእሴ ይትጫገሥ ወትምክሕተ ምሕረቱ ይትቃወሙ ለኃጥአን። 12 መዓተ ንጉሥ ከመ ጣሕረ አንበሳ ወከመ ጠል ዘይወርድ ዲበ ሣዕር ከማሁ ውእቱ ውኅዋኄሁ። 13 ኅፍረት ለአብ አብድ ወልድ ወኢኮነ ንጹሐ ጸሎት ምስለ ዐስበ ከልክት። 14 አብያተ ወንዋየ ይከፍሉ አበው ለውሉዶሙ ወባሕቱ በኅበ እግዚአብሔር ትትዋደዶ ብእሴት ለብእሴሃ። 15 ምምዐ ይእኅዞ ለብእሴ ጽኑስ ወነፍስ ዘኢይትቀነይ ይርኅብ። 16 ዘየዐቅብ ተግሣጺ ወትእዛዘ ይትመሐፀን ነፍሶ ወዘያስትትስ ፍናዊሁ ይትሀጉል። 17 ይሌቅሐ ለእግዚአብሔር ዘይምሕር ነዳየ ወበከመ ሀብቱ ይፈድዮ። 18 ዝብጥ ወልደክ ከመ ይኩንክ ለተስፋ ወለተጽእሎስ ኢታልዕል እዴከ። 19 ብእሴ እኩይ ብዙኅ ያሀጉል ወእመስ ዐቢይ ሕቡል ነፍሶሂ ይዌስክ። 20 ስማዕ ወልድየ ተግሣጺ አቡክ ከመ ትኩን ጠቢብ በደኃሪትከ። 21 ብዙኅ ኅሊና ውስተ ልበ ብእሴ መምክር ወምክሩስ ለእግዚአብሔር ይሄሉ ለዓለም። 22 ፍሬሁ ለብእሴ ምጽዋት ይኄይስ ነዳይ ጻድቅ እምባዕል ሐሳዊ። 23 ፈሪሀ እግዚአብሔር ሕይወተ ብእሴ ዘኢይፈርህስ የኅድር ውስተ መካን ኅበ ኢያስተርኢ አእምሮ። 24 የኅብእ ሀካይ እዴሁ ውስተ ሕፅ ውንበ አፋሁ ኢያቀርብ። 25 ሕቡል እንዘ ይትቀሠፍ አብድ ጠቢብ ይከውን ወእመስ ዘለፍኮ ለብእሴ ጠቢብ ይኄሊ አእምሮ። 26 ዘያኅሥር አባሁ ወእም ይትከላእ ወይትኅፈር ወምኑነ ይከውን። 27 ወልድ ዘይትከላእ እምዐቂበ ትምህርተ አብ ይትሜሀር ቃለ እኩየ። 28 ዘይትሔበይ አብደ ወልደ ያጼእል ፍትሐ ወለአፈ ረሲዓን ይውኅዞ እኩይ ኩነኔ። 29 ወይጸንሕ ሎሙ መቅሠፍት ለእኩያን ወኩነኔ ከማሁ ለአብዳን።

CAP. 20. 1 እኩይ ወይን ለጸአሊ ወለስካሪ ወኩሉ ዘያስተፋንዎ ለጽዋዕ ኢኮነ ጠቢብ ወኩሉ አብድ ዘከመ ዝ ይዴመር። 2 ኢየሐጽጽ መዓተ ንጉሥ እመዓተ አንበሳ ወዘየሀውኮስ ይኤብስ ላዕለ ነፍሱ። 3 ክብሩ ለብእሴ ተከልኦ እምጽዕለት ወኩሉ አብድ ዘከመ ዝ ይጸመር። 4 እንዘ ይዘነጉግዎ ሀካይ ኢየኅፍር ይስእል በማእረር ወአልቦ ዘይሁቦ ከማሁ ዘይትሌቃሕ ሥርናየ እንዘ ቦ ውስተ ክምሩ። 5 ማይ ዕሙቅ ውስተ ልበ ብእሴ መምክር ወብእሴ ጠቢብ ይዘልሑ። 6 ዐቢይ ወክቡር ብእሴ መሓሪ ወለብእሴ ምእመን በሥራሕ ተረክቦቱ። 7 ዘየሐውር ንጹሐ ውስተ ሕገ እግዚአብሔር ብፁዓን ይፈስዮሙ ለውሉዱ። 8 ወሶበ ጻድቅ ንጉሥ ይነብር ዲበ መንበሩ ቅድመ አዕይንቲሁ ኢይትቃወም ምንትኒ እኩይ። 9 መኑ ዘይትሜካሕ ልብ ንጹሕ ዘበ ወመኑ ያስተርኢ ንጹሐ ከዊኖ እምኅጢአት። 10 ዘየሐሚ አባሁ ወእም ይጠፍእ ብርሃኑ ወበእንተ አዕይንቲሁ ይኔጽር ጽልመተ። 11 መክፈልተ ዘይጌጉእ አቅዲሞ በደኃሪቱ ኢይትባረክ። 12 ኢትበል እትቤቀሎሙ ለጸላእትየ አላ ተሰፈዎ ለእግዚአብሔር ከመ ይርዳእከ። 13 መዳልው ዐቢይ ወንኡስ ወመሣፍርት ክልኤቱ ርኩሳን በኅበ እግዚአብሔር ኩሎሙ ወዘያገብሮሙ በምግባሪሁ ይትዐቀፍ። 14 ለወሬዛ ጻድቅ ርቱዕ ፍኖቱ። 15 እዝን ዘይሰምዕ ወዐይን ዘይሬኢ ግብረ እግዚአብሔር ኩሎሙ። 16 ኢታፍቅር ሐምየ ከመ ኢትትአተት ወኢትኑም ከመ ኢትንዲ ክሥት አዕይንቲክ ወጽግብ ኅብስተ። 17 ምኑናን በኅበ እግዚአብሔር ክልኤቱ መዳልው መዳልው ሰራቂ አኮ ሠናይ በቅድሜሁ። 18 እምኅበ እግዚአብሔር ይረትዕ አሠሩ ለብእሴ ወመዋቲስ እፎ የአምር ፍናዊሁ። 19 መሥገርቱ ለብእሴ ጉጉዕ ዘእምዚአሁ ይቁድሶ እስመ እምድኅረ በፅዕ ንስሓ ይከውኖ። 20 መሥኤሆሙ ለረሲዓን ንጉሥ ጠቢብ ወይወዲ ሎሙ መንኰራኩረ። 21 ብርሃነ እግዚአብሔር እስትንፋስ ብእሴ። 22 ዘከመ ማኅቶት ይፈትን መዛግብተ ከማሁ ጠቢብ ንጉሥ ይፈትን መዛግብተ ከርሥ። 23 ምጽዋተ ወጽድቀ ይዕቀብ

ንጉሥ ወይሚግቡ በጽድቅ መንበሮ። 24 ሠርገሆሙ ለወራዙት ጥበብ ወክብሮሙ ለልሂቃን ሲበት። 25 ምማቴ ወግሕሠት ይዳደቆሙ ለእኩያን ወዝብጠት ውስተ መዛግብተ ከርሥ።

CAP. 21. 1 ከመ ውሒዝ ማይ ከማሁ ልበ ንጉሥ ውስተ እደ እግዚአብሔር ኅበ ፈቀደ ይመይጣ ወህየ ትመሲ። 2 ኩሉ ብእሲ ያስተርኢ ለርእሱ ጻድቅ ወያረትዕ እግዚአብሔር አልባበ። 3 ገቢረ ጽድቅ ህልው ወሥሙር በኅበ እግዚአብሔር ፈድፋደ እምዘቢሐ መሥዋዕት። 4 ዐቢይ ኅሊና ኢጉጉሥ ልብ ለጽእለት ወብርሃኖሙ ለረሲዓን ኅጢአት። 5 ዘይትቀነይ መዝገበ ልሳነ ሐስት ከንቶ ይዴግን ወያበጽሐ ውስተ መሥገርተ ሞት። 6 ሥራዌ ረሲዓን ይትነገድ እምርሑቅ እስመ ኢይፈቅዱ ይግበሩ ጽድቅ። 7 ለዕልዋን ዕልወ ፍኖተ ይፌኑ ሎሙ እግዚአብሔር እስመ ርቱዕ ወንጹሕ ምግባሩ። 8 ይኔይስ ነቢር ውስተ ማዕዘንት ዘኢኮነ ጥፋረ እምነ ቢር ምስለ ብእሲት መግዝእት ውስተ ቤት ምሩግ። 9 ነፍሰ ረሲዓን ኢትትመሐር ወኢ በኅበ አሐዱሂ ሰብእ። 10 እንዘ የኅሥር ጸዋግ ማእምረ ይከውን የዋህ ወዘይጤቅስ ጥበበ ይትዌከፍ አእምሮ። 11 ኢየአምር ጥበበ ልበ ረሲዓን ወየአክዮሙ ለረሲዓን እከይ። 12 ዘይፌጽም እዘኒሁ ከመ ኢይስማዕ ነዳያነ ውእቱኒ ይጼውእ ወአልቦ ዘይሰም። 13 ሀብት ዘበጽሚት ይገፍዕ መዓተ ወዘሰ ይምህክ ሀብተ ያነሥእ ጽኑዕ መዓተ። 14 ፍሥሓ ጻድቃን ገቢረ ፍትሕ ወጻድቅ ባሕቱ ርኩስ በኅበ እኩያን ምግባር። 15 ብእሲ ዘይስሕት እምፍኖተ ጽድቅ ውስተ ማኅበረ ረሲዓን የዐርፍ። 16 ብእሲ ጽኑዕ ያፈቅር ፍሥሓ ወዘያፈቅር ወይነ ወቅብዐ ኢይብዕል። 17 ምኑን ኃጥእ በኅበ ጻድቅ ወቤዛሁ ለጻድቅ ይትወሀብ ረሲዕ። 18 ይኔይስ ነቢር ውስተ ገዳም እምነቢር ምስለ ብእሲት መግዝእት ወነባቢት ወመዓትምት። 19 መዝገብ መፍትሔ ውስተ አፈ ጠቢባን አብዳንሰ ሰብእ የኃጥእም። 20 ዘይዴግን ፍኖተ ጽድቅ ወሕይወት ይረክብ ክብረ ወሕይወተ። 21 ለሀገር ጽንዕት ቦአ ጠቢብ ወነሠተ ጽንዕ በዘይትዌከሉ ረሲዓን። 22 ዘየዐቅብ አፋሁ ወልሳኖ ይትመሐፀና ለነፍሱ እምንዳቤ። 23 ጉጉእዕ ወመግዝእ ወነባቢ ብድብድ ስሙ ወዘይክርሰ እከየ ኃጥእ ውእቱ። 24 ፍትወት ይቀትላሁ ለህካይ እስመ ኢይፈቅድ እደዊሁ ይግበራ ምንተኒ። 25 ረሲዕ ይፈቅድ ወይፈቱ ኩላ ዕለተ ፍትወተ እኪተ ጻድቅስ ይምሕር ወይመጸውት ኩሎ አእሚሮ። 26 መሥዋዕተ ረሲዓን ምኑን በኅበ እግዚአብሔር እስመ በእከይ ያቀርብዎ። 27 ሰማዕተ ሐስት ይትሀጉል ወብእሲሰ ሰማዒ ዕቁበ ይትናገር። 28 ረሲዕ ብእሲ ዘእንበለ ኅፍረት ይትቃወም ለገጽ ወራትዕስ ይጤይቅ ፍኖቶ። 29 አልቦ ጥበብ ወአልቦ እዘዝ በኅበ አብድ ወአልቦ ምክር በኅበ ረሲዕ። 30 ፈረሰ ያስተዳልዉ ለዕለተ ጽብእ ረድኤትሰ እምኅበ እግዚአብሔር ይከውን።

CAP. 22. 1 ይኔይስ ስም ሠናይ እምበዙኅ ብዕል ወእምብሩር ወወርቅ ሞገስ አዳም። 2 ባዕል ወነዳይ ይትራከቡ ኅቡረ ወክልኤሆሙ እግዚአብሔር ገብረ። 3 ማእምር ርእዮ እንዘ ይትኳነን እኩይ ኅዩል ይትጌሠፅ ወአብዳንሰ እንዘ የኅልፉ ኅሥሩ። 4 ትወልዳ ለጥበብ ፈሪህ እግዚአብሔር ለክብር ወለብዕል ወለሕይወት። 5 አሜከላ ወመሣግር ውስተ ፍናው ጠዋያት ወዘየዐቅብስ ነፍሶ ያድኅን ወያመስጦን። 6 አብዕልት ነዳያነ ይኳንኑ ወአግብርት ለአጋእዝቲሆሙ ይሌቅሑ። 7 ወዘይዘርዕ ሕብለ የአርር እከየ ወመቅሠፍተ ምግባሪሁ ይፌጽም። 8 ብእሲ ፍሥሓ ወሀቤ ይፈቅር እግዚአብሔር ወከንቶ ምግባሪሁ ይጸልእ። 9 ዘይምሕርስ ነዳየ ውእቱ በልዕ እስመ ኅብስቶ ወሀበ ለምስኪናን ወአኮ ለባዕል ዘይፈዲ ለዘወሀቦ። 10 መዊአ ወክብረ ይረክብ ዘወሀበ ሕልያነ ወባሕቱ ነፍሶ ያሕትት ዘነሥሉ። 11 አውፅእ እምእንግልጋ ቀታሌ ወይትልዎ ሞት እስመ ሶበ ይነብር ውስተ እንግልጋ ኩሎ ያኅሠርሥር። 12 ያፈቅር እግዚአብሔር የዋሃተ ልብ ወኅሩያን በኅቤሁ ኩሎ ገጹላን ወበከፍፍሪሁ ይፈኢ ንጉሥ። 13 አዕይንተ እግዚአብሔር የዐቅባ አእምሮ ወይሜንን ቃለ ጥበብ ኃጥእ። 14 ያመከኒ ህካይ ሶበ ይልእክዎ ወይብል ሀሎ አንበሳ ውስተ ፍኖት ወውስተ መራሕብት ቀትል። 15 ግብ ዕሙቅ አፈ ዐማዒ ወዘተጸልኦ በኅበ እግዚአብሔር ይወድቅ ውስቱ። 16 በፍናው እኩያት ቅድሜሁ ለብእሲ ወኢያፈቅር ይትገሐሥ እምኔሆን ወተግሕሦስ መፍትሔ እምፍኖት ጸዋግ ወእኪት። 17 ኢያእምሮ አልዐለቶ ለልበ ወሬዛ እስር በትር ወመቅሠፍት ርሕቀ እምኔሁ። 18 ዘይትጫገሎ ለነዳይ ብዙኅ ይፈሲ ጥሪቶ ወይሁብ ለባዕል በተጽናሱ ወአኮ ለነዳይ። 19 ኅበ ቃለ ጠቢባን አቅርብ እዝነክ ለአፅምኦ ወስማዕ ቃለ ዚአየ ወልበክ አቅርብ ከመ ሠናየ ታእምር። 20 ወእመ ወደይኮሙ ውስተ ልብክ ያስተፌሥሑክ ኅቡረ በከፍፍሪክ ከመ ይኩን በኅበ እግዚአብሔር ተስፋክ ፈድፋደ ወያኤምረክ ፍኖቶ። 21 ናሁ ጸሐፍኩ ለክ ትሥልስተ ለምክር ወለአእምሮ ወአንተ ጸሐፊን ለርእስክ ውስተ ራሕበ ልብክ። 22 እሜህረክ ህልወ ቃለ አእምሮ ኔረ ከመ ትስማዕ ወከመ ታውሥእ ቃለ ጽድቅ ለእለ ይሴአሉክ። 23 ኢትትዐገሎ ለነዳይ እስመ ምስኪን ውእቱ ወኢትመንን ድውየ በአናቅጽ። 24 እስመ እግዚአብሔር ይፈትሕ ኩነኒሁ ወይባልሐ እም እንቲአክ ነፍስ እንተ ኢትሰረቅ ወይትቤቀል ሎቱ። 25 ኢትኩን መጽመሮ ለብእሲ መዓትም ወምስለ ዐርክ መግዝእ ኢትኅድር ከመ ኢትትመሀር ፍኖቶ። 26 ወትነሥኦ መሥገርተ ለነፍስክ ወኢተሀብ እዴክ ለህቢት በኅፊረ ገጽ እመ አልብክ

ዘትፈዲ ወይነሥኣክ ክዳነከ ዘታሕተ ገበከ። 27 ወኢትንሥት ሥርዐተ ዘለዓለም ዘኣንበሩ ኣበዊከ። 28 ጥዩቅ ብእሲ ወበሊኅ በምግባሩ ለነገሥት ሀለዎ ይቅርብ ወኢይቀውም ለሰብእ ጽኑሳን።

CAP. 23. 1 ለእመ ነበርከ ትደረር ውስተ ማእደ መኳንንት ኣእምሮ ኣእምሮ ዘኣቅረቡ ለከ። 2 ወተመጠው በእዴከ ወኣእምሮ ከመ ዘከማሁ ሀለወከ ታስተዳሉ። 3 ወእመሰ ነዳይ ኣንተ ኢትፍቱ መባልዕቲሁ ወዝ ውእቱ ኅብስተ ሐሰት። 4 ወኢትትኣክል ምስለ ባዕል እንዘ ነዳይ ኣንተ ወበኅሊናከ ረሐቅ። 5 ለእመ ኣውተርከ ዐይነከ ኅቤሁ ኢትረክቦ ወእደ ያስተርኢ ኣልቦ እስመ ተደለወ ሎቱ ክንፈ ንስር ወያገብእ ውስተ ቤት ዘይቀውም። 6 ኢትደረር ምስለ ብእሲ መታሒ ወኢትፍቱ መባልዕቲሁ ከመ ዘይውኅጥ ሣዕረ ከማሁ ይበልዕ ወይስቲ። 7 ወኅቤከኒ ኢታብእ ወኢትብላዕ ኅብስተ ምስሌሁ ብላዕ ወስተይ ይብለከ ወልቡስ ኢሆሉ ምስሌከ። 8 ይቀይዕ ወያቅያዕይዕ ወያማስን ነገረከ ሠናየ። 9 ውስተ እዝነ ኣብድ ኣልቦ ዘትነግር ከመ ኢይመንን ነገረከ ሠናየ ጠቢብ። 10 ወኢታፍልስ ደወለ ገራህት ዘኣንበሩ ኣበዊከ። 11 ውስተ ጥሪተ ዕጻለ ማውታ ኢትባእ እስመ ዘይባልሎም እግዚኣብሔር ኣዚዝ ውእቱ ወይትኳንን ኩነኒሆሙ ምስሌከ። 12 ሀብ ለተማሃጽ ልብከ ወእዝነከ ኣስተዳሉ ለቃለ ኣእምሮ። 13 ኢትትህየይ ገሥዖ ደቂቅከ እስመ እመ ዘበጥሎም በበትር ኢይመውቱ። 14 ኣንተ ትዘብጦሙ በበትር ወነፍሶሙ ትባልሕ እምት። 15 ወልድየ እመ ጠቢባ ኮነ ልብከ ያስተፌሥሕ እንቲኣየ ልብ። 16 ወእመ ነበረት ቃልየ በከናፍሪከ ለከናፍሪ ዚኣየ ርቱዓተ ይከውና። 17 ኢትቅናእ ልብከ ላዕለ ኃጥኣን ኣላ በፍርሀተ እግዚኣብሔር ሀሉ በኩሉ ጊዜ። 18 ወለእመ ዐቀብኮን ይከውናከ ትዝምደ ወተስፋከ ኢይትኣተት። 19 ስማዕ ወልድየ ወጠቢብ ኩን ወኣርትዕ ኅሊና ልብከ። 20 ወኢትኩን ስታዬ ወይን ወኢትኩን ተሣይጤ ሥጋ ሐኖት። 21 ወኩሉ ስታዬ ወዘማዊ ይነድድ ወይለብስ ስጦጦ ኣጽርቅተ ወኩሉ ነዋሚ። 22 ስማዕ ወልድየ ነገረ ኣቡከ ዘወለደከ ወኢታስተኣክያ ለእምከ ለእመ ረስዐት። 23 ሠናየ ያልህቅ ኣብ ጻድቅ ወበወልድ ጠቢብ ትትፌሣሕ ነፍሱ። 24 ወይትፌሥሒ ብከ ኣቡከ ወእምከ ወትትሐሠይ እንተ ወለደተከ። 25 ሀበኒ ወልድየ ልብከ ወኣዕይንቲከኒ ፍናወ ዚኣየ ይዕቀባ። 26 ጽዕድ ስቀሩት ዘማዊት ወወዘቅት ጸባብ ነኪርት። 27 ዘሐረ ኅቤሃ ፍጡነ ይትሀጉል ወኩሉ ጸዋሃ የኅልቅ። 28 ወልድየ ለመኑ ወይሌ ወለመኑ ሀከከ ወለመኑ ባእስ ወለመኑ ጋእዝ ወለመኑ ኩነኒ ወለመኑ ቅጥቃጤ በከንቱ ወለመኑ ስጉዳት ኣዕይንቲሁ። 29 ኣኮኑ ለእለ ይጉነድዩ ውስተ ስታየ ወይን ወኣኮኑ ለእለ ይተልዉ ኣሠረ ወይን። 30 ወእደ ይከውን ሰንቢል ኢትስክሩ ወይነ ኣላ ተናገሩ ምስለ ሰብእ ጻድቃን ወተናገሩ በነሳሳው። 31 እመ ውስተ ፍያላት ወጽዋዓት ወሀብከ ዐይነከ ተሐውር ድኅረ ዕራቀከ ከመ ናሕስ። 32 ወደኃሪተከ ከመ ንስከተ ኣርዌ ምድር ትሰፍሕ ወከመ ዘእምቃግሥት ይስሕቦ ኅምዙ። 33 ወኣዕይንቲከ ይኔጽራ ነኪራተ ወውእተ ጊዜ ይነብብ ኣፉከ ጠዋየ። 34 ወትሰክብ ከመ ዘውስተ ልብ ናሕር ወከመ ዘየኅድፍ ውስተ ብዙኅ ሞገድ። 35 ወትብል ዘበጠኒ ወኢሐመምኩ ወዓዲ ትብል ተሣለቁ ላዕሌየ ወኣንስ ኢያእመርኩ ማእዜ ነግህ ይከውን ከመ እምጸእ ወእኅሥሥ ምስለ እለ ኣሐውር።

CAP. 24. 1 ወልድየ ኢትትቀሐው ምስለ ሰብእ እኩያን ወኢትፍቱ ሀለዎ ምስሌሆሙ። 2 እስመ ሐሰተ ይትሚህር ልቦሙ ወሕመሜ ይትናገር ኣፉሆሙ። 3 ምስለ ጥበብ ይትኣነጽ ቤት ወምስለ ኣእምሮ ይትነሣእ። 4 ወምስለ ጠይቆ ይመልእ መዛግብተ ኩሉ ክብር ወብዕል ሠናይ። 5 ይኔይስ ጠቢብ እምጽኑዕ ወብእሲ ዘቦ ኣእምሮ እምወፍር ዐቢይ። 6 በሕዳፌ ይከውን ጸብእ ወረድኤትሰ ዘምስለ ልብ መካሪት። 7 ጥበብ ወኣእምሮ ሠናይ ውስተ ኣንቀጸ ጠበብት ይትረከብ ወጠበብት ኢይትገሐሡ እምቃለ እግዚኣብሔር ኣላ ይኔልዉ በማኅበር። 8 ለኣብዳን ይዳደቆሙ ሞት። 9 ይመውት ኣብድ በኃጣውእ። 10 ርኩሱ ለብእሲ ቀታሊ ያጠልቆ በዕለት እኪት። 11 ወበዕለተ ምንዳቤ እስመ የኅልቅ ኣድኅን እለ ይሰሐቡ ውስተ ሞት ወተሣይጦ ዘይትቀተል ኢትምሃከ። 12 ወእመሰ ትቤ ኢየኣምሮ ለዝ ኣእምሮ ከመ እግዚኣብሔር የኣምር ልብ ኩሉ ወዘገብረ እስታንፋሰ ለኩሉ ውእቱ የኣምር ኩሉ ወይፈድዮ ለኩሉ በከመ ምግባሩ። 13 ብላዕ መዓረ ወልድየ እስመ ሠናይ ጸቃውዕ ከመ ያምዓርዕሮ ለጉርዔከ። 14 ከማሁ ተመሀር ጥበብ ወኣእምሮ ለእመ ረከብከ ወይነ ሠናየ ይከውን ሞትከ ወተስፋከ ኢየኅድገከ። 15 ወኢታብእ ረሲዓነ ውስተ መካነ ጻድቃን ወኢትስማሐት በጽጋበ ከርሥከ። 16 ስብዐ ይወድቅ ጻድቅ ወስብዐ ይትነሣእ ወረሲዓንስ ይደውዩ በእኩይ። 17 ለእመ ወድቀ ጸላኢከ ኢትትፈሣሕ ቦቱ ወበተዓቅፎቱ ኢትትዐበይ። 18 እስመ ይሬኢ እግዚኣብሔር ወኢይኤድሞ ወይመይጥ መዓቶ እምኔሁ። 19 ኢትትፈሣሕ በገበርተ እክይ ወኢትቅናእ ላዕለ እኩያን። 20 እስመ ኢይከውን ዘመን ለእኩያን ወብርሃነ ረሲዓን ይጠፍእ። 21 ወልድየ ፍርሀ ለእግዚኣብሔር ወለንጉሥኒ ወኢበኣሐዱ እምኔሆሙ ኢትትዐበይ። 22 እስመ እመንቱ ግብተ ይትቤቀልዎሙ ለረሲዓን ወኩነኒ ክልኤሆሙ መኑ የኣምር። 23 ቃለ ዘየዐቅብ ወልድ ርሐቅ ውእቱ እምተሀጉሎ ወዘሰ ይትዌከፎ ሎቲኒ ይትዌከፎ። 24 ምንትኒ ሐሰት እምልሳን ንጉሥ ኢይትበህል ወኣልቦ ሐሰት እምልሳኑ ዘይወፅእ። 25 ወጥባሕተ ቃለ ንጉሥ ወኣኮ እንተ ኣባል

THEOT Proverbs in IES 77

ለዘተውህበት ትቀጥቅጦ። 26 ወእመሰ ተስሐለት ሰይፈ መዓቱ ምስለ ሥረዊሁ ሰብአ ታኅልቅ ወአፅምተ ሰብእ ታኅቂ ወታውዒ ከመ ነበልባል እስመ አመ ኢይትበላዕ እምዕጉላ አንስርት። 27 ወልድየ ዘዚአየ ነገረ ፍራህ ወተወከፎ ወነስሐ ዘንተ እቤ ለእለ አምኑ በእግዚአብሔር ወፈጸምኩ። 28 እስመ አነ አብድ እምኩሉ ወጥበበ ሰብእኒ ኢህሎ ኅቤየ። 29 ወእግዚአብሔር ወሀበኒ ጥበበ ወአእምሮ ቅዱሳን አእመርኩ።

CAP. 25. 1 መኑ ዘዐርገ ውስተ ሰማይ ወወረደ ወመኑ አስተጋብአ ነፋሳተ ውስተ ሕፅኑ ወመኑ ዐቄረ ማያተ በልብሱ። 2 ወመኑ አኅዘ ኩሎ አጽናፈ ምድር መኑ ስሙ ወመኑ ስመ አቡሁ ከመ ታእምሩ ኩሎ። 3 ነገረ እግዚአብሔር ርሱን ወይትቃወም ሎሙ ለእለ ይፈርህዎ። 4 ወኢትወስክ ውስተ ነገሩ ከመ ኢይዝልፍከ ወሐሳዌ ኢትኩን። 5 ክልኤተ ነገረ እስኢል እምኅቤከ እግዚእየ ወኢትክልኢኒ ጸጋክ ዘእንበለ እሙት። 6 ከንቶ ነገረ ወሐሰተ አርሕቅ እምኔየ ብዕለ ወንዴተ ኢተሀበኒ አላ ሥራዕ ሊተ ዘይትፈቀድ ወዘየአክለኒ። 7 ከመ አእኪልየ ሐሳዌ ኢይኩን ወኢይበል መኑ እግዚአብሔር ወእመ አኮ ነዲይየ ኢይስርቅ ወኢይምሐል በስመ እግዚአብሔር በሐሰት። 8 ወኢታግብእ ገብረ ውስተ እደ አግዚኡ ከመ እመቦ ዘረገመክ ኢትማስን። 9 ወልድ እኩይ ይረግም አባሁ ወእምሂ ይባርክ። 10 ወልድ እኩይ ጽድቀ ርእሱ ይፈትሕ ወፀአቶሂ ኢይጤይቅ። 11 ለወልድ እኩይ አዕይንተ ዕበይ ቦቱ ወቀራንብቲዑኒ ያሌዕል። 12 ወልድ እኩይ ስነ መጥባሕት ቦቱ ወጥረሲሁ መከርክር ከመ ያኅልቅ ነዳያነ እምድር ወምስኪናኒሆሙ እምሰብእ። 13 ዘንተ አየድዓክሙ ለጠቢባን ከመ ታእምሩ ኅፊረ ገጽ ለፍትሕ አኮ ሠናይ። 14 ዘይብሎ ለረሲዕ ጻድቅ ውእቱ ርጉመ ይከውን በሕዝብ ወጽሉአ በአሕዛብ። 15 ወእለሰ ይዘልፉ በጽድቅ ያሜንዩ አስተርእዮ ወላዕሌሆሙ ትመጽእ በረከት ሠናይት። 16 ከናፍር ያመሥእ እለ ያፈቅራ ነገረ ጥብብ። 17 አስተዳሉ ለመንገድክ ምግባሪክ ወተደለው ውስተ ወፍር ወትሉ ድኅሬየ ወታኅሥእ ቤተክ። 18 ወኢትኩን ስምዐ በሐሰት ላዕለ ሰብአ ብሔርክ ወኢትጌጊ በከናፍሪክ። 19 ወኢትበል በከመ ረሰየኒ እሰ ሬስ ወእፈድዮ በከመ ገፍዐኒ። 20 ውስተ ገራህተ ብእሲ አብድ ኅለፍኩ ወውስተ ዐጻደ ወይነ ብእሲ ነዳየ አእምሮ ሓርኩ። 21 ናሁ በቄለ ላዕሌሁ ሦከ ወየዐብር ሣዕሩ ፍጹመ ወይከውን በድወ ወጻቄነ እበኒሁ ይንኅል። 22 ድኅረ አነ ነሳሕኩ ወነጸርኩ እኅረይ ተግማጸ። 23 ሕቀ ድቃስ ወሕቀ ንዋም ወሕቀ አስተጋብአ እድ ዲበ እንግድዐ። 24 ወእመ ዘንተ ትገብር ትመጽእ እንዘ ትትቄደም ከመ እኩይ ሐዋርያ ንዴት ወተጽናስ ከመ ጌር ረዋጺ።

CAP. 26. 1 ለዓለቅት ሠላስ አዋልድ ላቲ ተፋቅሮ እለ ይትፋቀራ ወሠለስቲሆን እለ ኢይጸግባ ወራብዕቶንስ ስእንት ብሂለ ኮንየ። 2 ሲኦል ወፍቅረ ብእሲት ወገንም ምድር እንተ ኢተመልእ ማየ ወማይ ወእሳት ኢይብል ኮንየ። 3 ዐይን ዘይስሕቅ አባሁ ወዘያስተኣኪ ርስዐ እሙ ይመልሕዎ ቋዓት እምግቡ ወይበልዕዎን ዕጉላ አንስርት ለአዕይንቲሁ። 4 ሠለስቱ እሙንቱ ዘኢይክል አእምሮሙ ወራብሆሙስ ኢይጤየቅ። 5 አሠረ ነስር ዘይሰርር ወፍፍተ አርዌ ምድር ዲበ ኩኩሕ ወአሠረ ሐመር ዲበ ሞገድ እንዘ ተሐውር ወፍናወ ብእሲ በውርዙቱ። 6 ወከመ ዝ ውእቱ ፍኖታ ለብእሲት እንተ መሐዝ እንተ ገቢራ ትትኅጸብ ወአልቦ እንከሰ ዘገብረት እኩየ። 7 በእንተ ሠለስቱ ነገር ታድለቀልቅ ምድር ወራብሆሙስ ኢትክል ጸዊረ። 8 ገብር እመ ነግሠ ወአብድ ለእመ ጸግቦ እክለ። 9 ወአመት እመ አውፅአት እግዝእታ ወጽእልት ብእሲት እመ አድምዐት ብእሲ ጌረ። 10 ወአርባዕቱ ሕጹጻን ውስተ ምድር ወእሉ እሙንቱ ጠቢባነ ጠብብት። 11 ሰኳዕት እለ አልቦሙ ኅይል ወያስተዳልዉ በማእረር ሲሳዮሙ። 12 ወግሒያት ሕዝብ ዘኢኮኑ ጽኑዓነ እለ ረሰዩ ውስተ ግበበ ኩኩሕ አብያቲሆሙ። 13 ወዘእንበለ መንግሥት ውእቱ አንበጣ ዘየሐውር በአሐዱ ትእዛዝ ኅብረ። 14 ወላጽቂት ዘበእደዊሁ የሐውር እንዘ ጽቡስ ውእቱ የኅድር ውስተ አብያተ ነገሥት። 15 ሠለስቱ እሙንቱ ዘአዳመ የሐውሩ ወራብዕስ ዘሠናይ ፍናዊሁ። 16 ዕንላ አንበሳ ዘይጸንዕ እምእንስሳ ኢይትመየጥ ወኢደነግፅ እምእንስሳ። 17 ዶርሆ ተባዕት ዘየሐውር ኅበ አንስት እንዘ ያስተናፍስ ክነፊሁ ወበሐኩ እንዘ ይሜብል ላዕለ መርዔት ወንጉሥ እንዘ ይጌሥጽ ሕዝቦ። 18 ለእመ መጠውከ ርእስከ ለተፈርንሶ ወሰፋሕከ እዴከ ለጋእዝ ተኅሥር። 19 ሕልብ ሐሊበ ወይከውነከ ለስደ ወለእመ አጸርከ አንፈከ ይወፅእ ደም ወለእመ ሰሐብከ ነገረ ይመጽእ ጋእዝ ወኩነኒ። 20 ቃለ ዚአየ ተየድአ በኅበ እግዚአብሔር ንጉሥ ፌማ ውእቱ ዘመሀረቶ እሙ። 21 ኦ ወልድየ ተዐቀብ ምንት ቃለ እግዚአብሔር። 22 ወኩርየ ለከ እብለከ ወልድየ ሚ ወልደ ከርሥየ ወሚ ወልደ ጸሎተ ዚአየ። 23 ኢተሀባ ለብእሲት ብዕለ ዚኣከ ወልበከ ከመ ኢትነስሕ ድኅረ ወኢትግበር ዘኢይደሉ ለንጉሥ ወለእግዚአብሔር። 24 ወኩንን ኩሎ ሰብአ በጽድቅ ወምስለ ምክር ኩሎ ግበር ወምስለ ምክር ወይነ ስተይ። 25 ወባሕቱ መኳንንት መዓትማን ወይነ ኢይሰተዩ ከመ በስታይ ኢይርስዕዋ ለጥብብ ወኢይክሉ አርትዖ ፍትሕ ለድኩማን። 26 ሀብዎሙ ወይነ ለሕዙናን ወይስተዩ ወይነ ትኩዛን ከመ ይርስዕዋ ለሐዘን ወሕማመኒ ኢይዝክሩ እንከ። 27

ክሥት አፋክ በቃለ እግዚአብሔር ወኩንን ኩሎ ሕያዋን። 28 ክሥት አፋክ ወኩንን በጽድቅ ፍታሕ ለነዳይ ወለሕሙም።

CAP. 27. 1 ተግሣጸ ሰሎሞን እለ እንበለ ኑፋቄ ዘ(ጸሐፉ አ(ዕርክ(ቲ(ሆ ለ(ሕዝቅያስ ንጉሠ ይሁዳ። 2 ክብረ እግዚአብሔር የ(ጎብእ ነውረ ወ(ስብሐ(ተ ንጉሥ ያ(ክብር ገብረ። 3 ሰማይ ልዑል ወ(ምድር ዕመቅ ወ(ከማ(ሁ ልበ ንጉሥ ኢ(ይ(ት(አመር። 4 አ(ጽርዮ ለ(ብሩር ዘ(ኢ(ኮነ ፍቱነ ወ(ይ(ነጽሕ ለ(ከ ንጽሐ ፍጹመ። 5 ቅትል ረሲዓ(ነ እም(ቅድመ ገጸ ንጉሥ ወ(ይ(ረትዕ መ(ንበሩ በ(ጽድቅ። 6 ወ(ኢ(ት(ት(ዐበይ በ(ቅድመ ገጸ ንጉሥ ወ(ኢ(ት(ጸደቅ በ(ቅድመ እግዚአብሔር ወ(ውስተ መ(ካነ መ(ኳንን(ት ኢ(ት(ቁም። 7 ይ(ኄይስ(ከ ይ(በሉ(ከ ዕርግ ጎቤ(ነ እም(ት(ጎስር በ(ቅድመ መ(ኩንን ዘ(ርእያ አ(ዕይን(ቲ(ከ ንግር ወ(ኢ(ት(ደቅ ውስተ ጋእዝ ፍጡነ። 8 ቅስተ ተ(ዋቀሥ ምስለ ቢጽ(ከ ወ(ም(ሥጢሮ(ስ ኢ(ት(ክሥት ከመ ኢ(ት(ነስሕ በ(ደጋሪ(ት(ከ። 9 ሶበ ይ(ግእዘ(ከ ዐርክ(ከ ግባእ ድጎሬ(ከ ወ(ኢ(ት(ት(ሀየይ ከመ ኢ(ይ(ኒስ(ከ ዐርክ(ከ ወ(ጋእዝ(ከ(ኒ ወ(ጽልእ(ከ(ኒ ኢ(ያ(ርሕቀ(ከ እምኔ(ሁ። 10 እመ(ስ ከሠት(ከ ም(ሥጢሮ ይ(ከውነ(ከ መጠነ ሞት ጸጋ ወ(ታ(እጋ ያ(ግእዝ አላ ተ(ዐቀብ በ(ርእስ(ከ ከመ ኢ(ት(ኩን ዝንጉገ ወ(ዕቀብ ፍናዊ(ከ በ(ሥነ ም(ግባሪ(ከ። 11 ኮለ ወርቅ ውስተ ድደ ብሩር ሰንፀ(ት ከማ(ሁ ብሂለ ቃል በበ ገጹ። 12 ውዕቦ ወርቅ ውስተ ዕንቄ ሰርድዮን ዘ(ብዙጎ ሤጡ ውዱድ ከማ(ሁ ቃለ ጠቢብ ውስተ እዝነ ዘ(ይ(ሰምዕ ሠናይ ውእቱ። 13 ከመ ፀአተ አ(ስሐት(ያ በ(ማ(እረር በ(መርቄ ይ(ደሉ ከማ(ሁ ሐዋር(ያ ም(እመን ለ(ነፍስ እለ ፈነው(ዎ ይ(በቀሳ። 14 ከመ ነፋሳ(ት ወ(ደመና(ት ዘ(አል(በ(ሙ ዝንም ወ(ዝናማ(ት እሙራ(ት በ(መ(ዋዕለ ማ(እረር ኢ(ይ(በቀሳ ከማ(ሁ ኩሎ(ሙ እለ ይ(ት(ሜክሐ በ(ሀብ(ት ሕሰው። 15 በ(ት(ዕግሥ(ት ሥነ ሕይወ(ት ት(ነግሥ ልሳን ድክም(ት ወ(ት(ሰብር አ(ዕፅም(ተ። 16 ወልድ(የ መዓረ እም(ከመ ረከብ(ከ ብላዕ በ(አቅም ከመ ኢ(ት(ጽገብ ወ(ኢ(ት(ቂእ። 17 ጉንዱየ አ(ብጽሕ እገሪ(ከ ጎበ ዐርክ(ከ ከመ ኢ(ይ(ጽገብ(ከ ወ(ኢ(ይ(ጽላእ(ከ። 18 በትር ወ(መ(ቅሠፍ(ት ማ(ጎዘ(ኒ ለ(ልብ ከማ(ሁ ብእሲ ዘ(ይ(ሰምዕ ስምዐ በ(ሐሰ(ት ላዕለ ዐርኩ። 19 ፍኖ(ት እኩይ ወ(እግረ ኃጥእ ይ(ት(ሀገጉል በ(ዕለ(ት እኪ(ት ከመ ብሒእ ኢ(ይ(ደልዎ ለ(ቀሳል ከማ(ሁ ነውር ዘ(ይ(ወርድ ዲበ ሥጋ ማ(ጎዘ(ኒ ለ(ልብ። 20 ከመ ነቀዝ ለ(ዕፅ ወ(ቀሩንቀሩ ለ(ልብስ ከማ(ሁ ሐዘን ለ(ብእሲ ታ(ማስን ልቦ። 21 ለ(አመ ርጎበ ጸላኢ(ከ አ(ብልዎ ወ(ለ(እመ ጸምአ አ(ስትዮ ዘንተ ለ(እመ ገበር(ከ አ(ፍሐመ እሳት ታ(ስተ(ጋብእ ዲበ ርእሱ ወ(እግዚአብሔር የ(ዐሥየ(ከ ሠናያ(ተ። 22 ነፋስ ሰሜና(ዊ ያ(ነሥእ ደመና(ተ ወ(ገጸ ዘ(ኢ(የ(ጎፍር ልሳን ያ(ስ(ዎዝዝ። 23 ይ(ኄይስ ጎዲር ውስተ ማ(ዕዘን(ተ ናሕስ ንሡት እ(ምስለ ብእሲ(ት ጸአሊ(ት ውስተ ቤት ርሱይ። 24 ከመ ማይ ቄሪር ለ(ነፍስ ጽምእ(ት አዳም ከማ(ሁ ዜና ሠናይ እ(ምድር ርሐቅ። 25 ከመ ዘ(ይ(ፈጽም ዐዘቃ(ተ ወ(ያ(ማስን ሙ(ፃአ ማይ ከማ(ሁ አኮ ሠናይ ይ(ደቅ ጸድቅ በ(ቅድመ ረሲዓ(ነ። 26 በሊዐ መዓር ብዙጎ አኮ ሠናይ ወ(አ(ክብሮ ርቱዕ ቃለ ስቡሐ ወ(ሐቲተ ክብረ ክቡር። 27 ከመ ሀገር እንተ ንህለ ጥቅማ ወ(አል(ባ ጥቅም ከማ(ሁ ብእሲ ዘ(እንበለ ምክር።

CAP. 28. 1 ከመ ጠል በ(ማ(እረር ወ(ዝናም በ(ሐጋይ ከማ(ሁ ለ(አብድ አል(ቦ ምክር። 2 ከመ አ(ዕዋፍ ዘ(ይ(ሰርራ ወ(ሰራር(ያት ከማ(ሁ መ(ርገም ዘ(በ(ከንቱ ኢ(ይ(በጽሕ ጎበ መኑሂ። 3 ከመ ሰውጥ ለ(ፈረስ ወ(ቅትራ(ት ለ(አድግ ከማ(ሁ በትር ለ(ሕዝብ ኃጥእ። 4 ወልድ(የ ኢ(ታ(ውሥእ ለ(አብድ በ(ከመ እበደ ዚ(አ(ሁ ከመ ኢ(ት(ኩን ከማ(ሁ። 5 አላ ተ(ጠሰዎ ለ(አብድ በ(ከመ እበደ ዚ(አ(ሁ ከመ ኢ(ይ(ምስሎ ጠቢበ ለ(ርእሱ። 6 በ(እግረ ዚ(አ(ሁ ይ(ገብር ጎሳረ ዘ(ፈነወ መ(ልእክ(ተ በእደ ዐብድ። 7 ካልእ ሐንካስ ወ(አበሳ እም(አፈ አብዳ(ን ት(ወፅእ። 8 ዘ(ይ(ወዲ እብነ ዲበ ሞ(ፀፍ ከማ(ሁ ይ(መስል ዘ(ይ(ሁብ ለ(አብድ ክብረ። 9 አ(ሥዋክ ይ(በቀሉ ውስተ እደ ሰካር ወ(ተ(ቀንዮ ውስተ እደ አብዳ(ን። 10 ብዙጎ ት(ት(ሀወክ ሥጋ ኩሉ አብድ እስመ ት(ት(ወላወል ጎሊ(ና(ሁ። 11 ከመ ከልብ ዘ(ይ(ገብእ ዲበ ቂያኡ ጽሉአ ይ(ከውን ከማ(ሁ አብድ በ(እበደ ዚ(አ(ሁ ዘ(ይ(ት(መየጥ ውስተ ጎጢአ(ቱ። 12 ቦ ጎፍረ(ት እንተ ታ(መጽእ ጎጢአ(ተ ወ(ቦ ጎፍረ(ት ለ(ክብር ወ(ለ(ስብሐ(ት። 13 ርኢ(ኩ ብእሴ ዘ(ይ(ብል ርእሶ ጠቢበ ተ(ስፋ ረከበ እምኔ(ሁ አብድ። 14 ወ(ይ(ብል ሀካይ ሶበ ይ(ልእክ(ዎ አንበሳ ሀሎ በ(ውስተ ፍኖ(ት ወ(ውስተ መ(ራሕብ(ት ቀትል። 15 ከመ ማዕዎ እንተ ተ(ዐውድ ውስተ ድርኩ(ታ(ት ከማ(ሁ ሀካይ ውስተ ም(ስካቢ(ሁ። 16 ጎብአ ሀካይ እዴ(ሁ ውስተ ሕፅኑ ወ(የ(ሐምም አ(ቅርቦ እዴ(ሁ ውስተ አፋ(ሁ። 17 ጠቢብ ለ(ርእሱ ያ(ስተ(ርኢ ሀካየ ወ(እም(ዘ(ጽጉብ ይ(ወስድ ሲሳየ። 18 ከመ ዘ(ይ(እጎዝ ዘነበ ከልብ ከማ(ሁ ዘ(ይ(ቀውም በ(ነገረ ባዕድ ከመ እለ ይ(ት(ፌወሱ ያ(ወፅኡ ቃሎ ለ(ሰብእ። 19 ወ(ዘ(ተ(ቀበሎ ለ(ነገር ይ(ቀድም ወዲቀ ከማ(ሁ ኩሎ(ሙ እለ የ(ሐብሉ አ(ዕርክ(ቲ(ሆሙ። 20

ወ(እም(ከመ አ(እመር(ምሙ ይ(ብሉ በ(ብዓው ገበርነ። 21 በ(ጎጢአ ዕፀ(ው ይ(ጠፍእ እሳት ወ(በ(ብዝሃ ዕፀ(ው ይ(ነድድ እሳት ወ(ጎበ ኢ(ሀሎ መዓ(ትም የ(ጎስእ ጋእዝ። 22 መ(ጥበስ ለ(አፍሐም ወ(ዕፀ(ው ለ(እሳት ከማ(ሁ ብእሲ ጸአሊ ለ(ጋእዝ ወ(ለ(ባእስ። 23 ነገረ መ(ንጎራጉራ(ን ድኩም እለ ይ(ዘብጡ ውስተ መ(ዛግብ(ተ ምሕረ(ት። 24 ብሩር ዘ(ይ(ት(ወሀብ ምስለ ሕብል ከመ ገልዕ ውእቱ ወ(ከመ ብሩረ ተምያን ዘ(ቀፈል(ዎ ላዕለ ንዋየ ለብሐ ከማ(ሁ ከፍፍር ልሙጸ(ት ይ(ከድና ልበ ሕዝን(ተ። 25 በ(ከፍፍሪ(ሁ ዘልፈ ይ(በኪ ጸላኢ ወ(በ(ልቡስ ይ(ገብር ሕብለ። 26 እመ አስተ(ብቅዕ(ከ ጸላኢ(ከ በ(ዐቢይ ቃል ኢ(ት(እመኖ እስመ ሰብዑ እከያ(ት ሀለ። ውስተ ልቡ። 27 ዘ(የ(ጎበእ ጽልኦ ያ(ስተ(ጋብእ ሕብለ ይ(ከሥት አበሳ(ሁ ማ(እምር በ(ማ(ጎበር። 28 ዘ(ይ(ከሪ ግበ ለ(ቢጹ ይ(ወድቅ ውስቱ(ቱ ወ(ዘ(ያ(ን(ኩረኩር እብነ ያ(ን(ኩረኩር ላዕሌ(ሁ። 29 ልሳን ሐሳዊ(ት ት(ጸልእ ጽድቀ ወ(አፍ ዘ(ኢ(ያ(ረምም ይ(ገብር ሀከከ።

CAP. 29. 1 ወ(ኢ(ት(ት(ዐበይ ዘ(ለ(ጌሠም እስመ ኢ(ተ(አምር ዘ(ት(ወልድ ሣኒ(ታ። 2 ይ(ወድስ(ከ አፈ ባዕድ ወ(አኮ አፈ ዚ(አ(ከ። 3 ክቡድ እብን ወ(ጽንጉፍ ያረ ጥጻ ወ(መዓ(ቱ ለ(ብእሲ አብድ ይ(ከብድ እም(ክልኤ(ሆሙ። 4 አል(ቦ ምሕረ(ት ለ(ብእሲ ቅጡዕ ወ(ለ(በሊጎ መዓ(ት ወ(አል(ቦ ዘ(ይ(ት(ዔረዮ ለ(ቅንኦ(ት። 5 ወ(ይ(ጌይስ ዘለፋ ክሡት እም(ጎቡእ ፍቅር ይ(ጌይስ ፍቅዐ(ት ዘ(ዐርክ እም(ሠናይ ስዕመ(ተ ጸላኢ። 6 ነፍስ ጽግብ(ት ጸቃውዐ መዓር ት(ሜንን ወ(ለ(ነፍስ(ስ ርጎብ(ት መሪር(ኒ ጥዑመ ያ(ስተ(ርእያ። 7 ከመ ያፍ እንተ ት(ሰርር እ(ማ(ጎደራ ከማ(ሁ ብእሲ ይ(ት(ቀነይ ሶበ ይ(ነግድ እም(ብሔሩ። 8 ዕፍረ(ት ወ(ዕጣን ወ(ወይን ያ(ስተ(ሔውዙ ልበ ከማ(ሁ ዘ(ይ(ስምዕ ምክረ ዐርኩ ወ(ት(ት(ከዐው በ(ድቀ(ተ ነፍሱ። 9 ዐርክ(ከ ወ(ዓርክ አቡ(ከ ኢ(ት(ጎድግ ወ(ቤተ እጉ(ከ(ኒ ኢ(ት(ባእ በ(ም(ንዳቤ ዘ(እንበለ ት(ንግሮ ቅድመ ይ(ጌይስ ዐርክ ቅሩብ እም(እጉ ዘርሑቀ የ(ጎድር። 10 ጠቢብ ኩን ወልድ(የ ከመ ይ(ት(ፈሥሐ(ኒ ልብ(የ ወ(አ(ርሕቅ እምኔ(ከ ቃለ ዝንንጌ። 11 ማ(እምር መጽአ(ሁ እኩያ(ት ወ(ተ(ጎብኦ ወ(አብዳ(ን(ስ ተ(ቃዊሞ(ሙ ሀጉላ ተ(ፈድዩ። 12 አ(ሰስል ልብበ(ከ እስመ ጎለፈ ጸላኢ ዘ(ባዕደ ያ(ማስን። 13 ዘ(ይ(ባርክ ዐርኮ በ(ጽባሕ ዘ(ዐቢይ ቃል እም(ዘ(ይ(ረምም አል(ቦ ዘ(የ(ጎድግ። 14 ጸሕጸኦ ያ(ወፅኦ ለ(ብእሲ እምነ ቤቱ በ(መ(ዋዕለ ክረም(ት ከማ(ሁ ብእሲ(ት ጸአሊ(ት እምነ ቤት ርሱይ ታ(ወፅኦ ለ(ምታ። 15 ደቡባ(ዊ ነፋስ ጽኑዕ ወ(በ(ስሙ(ስ ዘ(የማን ይ(ሰመይ። 16 ጎጂን ለ(ጎጂን ያ(በልሐ ወ(ብእሲ ያ(በልሕ ገጸ ካልኡ። 17 ዘ(ተከለ በለስ ይ(በልዕ ፍሬ(ሃ ወ(ዘ(የ(ዐቅብ እ(ግዚኡ ይ(ከብር። 18 ከመ ኢ(ይ(ት(ማሰል ገጽ ገጸ ከማ(ሁ ልበ ብእሲ(ኒ ኢ(ይ(ት(ማሰል። 19 ሲኦል ወ(ማ(ህጉሊ ኢ(ይ(ጸግቡ ከማ(ሁ አ(ዕይን(ተ ሰብእ(ኒ ኢ(ይ(ጸግባ። 20 ርኩስ በ(ጎበ እግዚአብሔር ምዑክ ዐይን ወ(እለ ዘ(እንበለ ት(ምህር(ት ኢ(ይ(እጎዙ ልሳኖ(ሙ። 21 መከራ(ሆሙ ለ(ወርቅ ወ(ለ(ብሩር ርስነ(ት ወ(ብእሲ ይ(ት(ሜከር በ(ጎበ እለ ይ(ዌድስ(ም። 22 ልበ ኃጥእ የጎሥሥ እከየ ወልብ ርትዕት ተጎሥሥ አእምሮ። 23 እመ ቀሠፍኮ ለአብድ በማእከለ ማጎበር በጽእለት ኢይትአተት እበዱ። 24 አእምሮ አእምር መንፈስ መራዕይከ መሂጥ ልበከ ለመርዔትከ ወለሙፋረ ዚኦከ። 25 እስመ አኮ ለብእሲ ኩንኖ ወጎይል ወኢይትወሀብ እምትውልድ ለትውልድ። 26 ዕፅድ ሣዕረ ወአስተሐምም ዘውስተ ገዳም ሐመልማለ ወአስተጋብእ ሣዕረ ደብር ወተአርር ፍሬ። 27 ከመ ታጥሪ አባግዐ ለልብስ አክብር ጂኦተ ከመ ይብዛጎ መርዔትከ። 28 ወልድየ ዘእምነቤየ ብከ ቃል ጽንዕት ሕልብ ሐሊበ ጠሊ ለሕይወትከ ወለሕይወተ ነባሪከ።

CAP. 30. 1 ይጐይይ ረሲዕ እንዘ አልቦ ዘይዴግኖ ወጸድቅስ ከመ አንበሳ ውኩል። 2 በጎጢአተ ረሲዓን መቅሠፍት ይትነሣእ ወብእሲ ጥዩቅ ያጠፍኦ። 3 ጽኑዕ በጎጢአት ይትዔገል ነዳየ ከመ ዝናመ ሞገድ ኢይበቅሶ ከማሁ እለ የጎድጉ ሕገ ወይዌድስዋ ለጎጢአት። 4 እለስ ያፈቅሩ ሕገ ይጠቅሙ ለርእሶሙ ቅጽረ ወስብእ እኩያን ኢይሌብዉ ፍትሐ። 5 ወእለስ የጎሥሥም ለእግዚአብሔር ይሌብዉ በኩሉ ጊዜ። 6 ይጌይስ ነዳየ ዘየሐውር በጽድቅ እምባዕል ሐሳዊ። 7 ዘየዐቅብ ሕገ ወልድ ማእምር ወዘስ ይፊእያ ለዘማይ ዛወጋ ለሙስና ወያጼእል አባሁ። 8 ዘያበዝጎ ብዕሎ በርዴ ወበትዕግልት ለዘይምሕር ነዳየ ያስተጋብእ። 9 ዘይመይጥ እዝኖ ከመ ኢይስማዕ ሕገ ውእቱኒ መነጎ ጸሎቶ። 10 ዘያስሕቶሙ ለዕዉራን በፍኖት እኪት ውስተ ሙስና ይወድቅ ወዐማዕያንስ የጎልፉ እንተ ሠናይ ወኢይበውኡ ውስቱታ። 11 ጠቢብ ለርእሱ ብእሲ ባዕል ነዳይ ማእምር ያቅሌልዮ። 12 በረድኤተ ጸድቃን ይከውን ብዙጎ ስብሐት ወበፍናወ ረሲዓን ይትሀገሉ ሰብእ። 13 ዘይከድን አበሳሁ ኢይረትዕ ፍናዊሁ ወዘስ ይነግር ወይዘልፍ ገሃደ ይትፈቀር። 14 ብፁዕ ብእሲ ዘይደነግፅ በኩሉ ጊዜ በእንተ ጽድቅ ወጽኑዐ ልብስ ይወድቅ ውስተ እኩይ። 15 አንበሳ ርጉብ ወተኩላ ጽሙእ ከማሁ መኩንን ረሲዕ ላዕለ ነዳይ ዘይትዔገል እንዘ ነዳይ ውእቱ ሕዝበ ጽኑስ ይከውን። 16 ንጉሥ ነዳየ አእምሮ ጸባሕተ ዐቢየ ተዐጋሌ ይከውን ወዘስ ይጸልእ ዐመፃ ብዙጎ መዋዕለ የሐዩ። 17 ብእሲ ዐማፂ ዘይበውእ በደመ ሰብእ ሶበ ይወርድ ውስተ ግብ ኢይእጎዝዎ ብእሲ ዘይትሔበይ ርሱሐ በቀትል ሥሩር ውእቱ ወአኮ ጽኑዕ። 18 መሐር

ወልደክ ወያፈቅረክ ወይሁብ ሠርጐ ለነፍስከ ወኢይስምዕ ዘንተ ሕገ ሕዝብ ዐማሂ። 19 ዘየሐውር በጽድቅ ርዱእ ጠዋየሰ ፍኖተ ዘየሐውር ይጸመር። 20 ዘይትጌበር ገራህቶ ያበዝኅ እክለ ወዘሰ ያበዝኅ ጽርዐተ ይዴግን ንዴተ። 21 ብእሲ ጌር ብዙኅ ይትክኩት ወእኩይሰ ኢይነጽሕ። 22 ኅፊረ ገጽ በፍትሕ ኣኮ ሠናይ ወዘኢየጎፍር ገጸ ጻድቃን ኣኮ ጌር ዘከመ ዝ በፍተ ኅብስት ያገብእ ሰብኣ ወይጌጌ። 23 ይጌጉፅ ይብዓል ብእሲ ሐማሚ ወኢየአምር ከመ ብእሲ መሓሪ ይመልኮ። 24 ዘይዘልፍ ፍኖቶ ለሰብእ ይረክብ ክብረ ፈድፋደ እምነ ዘበልሳኑ ያደሉ። 25 ዘይትጌገል ኣባሁ ወእም ወይብል ኢ ኣበስኩ ዝንቱ ውእቱ ሱታፌሁ ለብእሲ ረሲዕ። 26 ስሱዕ ብእሲ ከነቶ ይፈትሕ ወዘሰ ተወክለ በእግዚአብሔር በኣስተሐምሞ ይሄሉ። 27 ወዘይትኣመን በትፍሥሕተ ልቡ ዘከመ ዝ ኣብድ ውእቱ ወዘየሐውርሰ በጥበብ ይድኅን። 28 ዘይሁብ ለነዳይ ጽኑስ ኢይጸኑስ ወዘሰ ይመይጥ ዐይኖሙ ውስተ ዐቢይ ተጽናስ ይሄሉ። 29 ውስተ መካነ ረሲዓን ይግዕሩ ጻድቃን ወበሀጉላ ዚኣሆሙ ይበዝኑ ጻድቃን።

CAP. 31. 1 ይጌይስ ብእሲ ዘይዘልፍ እምብእሲ ጽኑዕ ክሳድ እስመ ግብተ ይነድድ ወኣልቦ ፈውስ። 2 ወበተወድሶቶሙ ለጻድቃን ይትፌሥሑ ኣሕዛብ ወበመኳንንት ረሲዓን ይቴክዙ እደው ጻድቃን። 3 በወልድ ዘያፈቅር ጥበበ ይትፌሣሕ ኣቡሁ ወዘሰ ይፊኢ ዘማተ ያህጉል ብዕሎ። 4 ንጉሥ ጻድቅ ያነሥእ ሀገረ ወብእሲሰ ዐማሂ ይነሥት። 5 ዘይሠርዕ በቅድመ ዐርኩ መሥገርተ ይወድኖን ውስቴቱ ለኣእጋሪ ዚኣሁ። 6 በጌጋዩ ብእሲ ይበዝኅ መሥገርት ወዘየጋጥእ ብእሲ ውስተ ዐቢይ መሥገርት ይወድቅ ወጻድቅሰ ውስተ ዐቢይ ፍሥሓ ወሐሄት ይሄሉ። 7 የአምር ጻድቅ ፈቲሐ ለነዳይ ወረሲዕስ ኢየአምር ጠይቆ ወለነዳይስ ኢይሄልዎ ልብ ወእእምሮ። 8 ሰብእ ጸዋጋን ኣንደዱ ሀገረ ወጠብብትሰ ሜጡ መዓተ። 9 ብእሲ ጠቢብ ይኳንን ኣሕዛብ ወብእሲሰ እኩይ ይትመዓዕ ይስሕቅዎ ወኢያሐዝኖ። 10 ሰብእ ሱቱፋን በደም ይጸልኡ ጽድቀ ወራትዓንሰ የኅሥሡ ነፍሰ። 11 ኩሎ መዓቶ ያወፅእ ኣብድ ወጠቢብስ ይዘግብ ዘእምውስቴቱ። 12 ንጉሥ ዘይስምዕ ነገረ ግፍዕ ወኩሎሙ እለ ኅቤሁ ዐማዕያን። 13 ለቃሒ ወተለቃሒ ክልኤሆሙ ተራኪቦሙ ይሔውጸሙ እግዚአብሔር ኅብረ ለክልኤሆሙ። 14 ንጉሥ ዘበጽድቅ ይፈትሕ ለነዳያን መንበሩ በሰላም ለዓለም ይቀውም። 15 ዝብጠት ወተግሣጽ ይሁብ ጥበበ ወልድ ዘይስሕት ያስተጋፍር ዘመዶ። 16 በብዝኖሙ ለረሲዓን ይትገበር ኅጢአት ብዙኅ ወጻድቃንስ በድቀቶሙ ለእልክቱ ፈራህያን ይከውኑ። 17 መሀር ወልደክ ወያዐርፈክ ወይሁብ ሠርጐ ለነፍስከ። 18 በጋጢኣ መምህር ይበዝኑ ጋጥኣን ወኢይሄልዎ መምህር ለሕዝብ ጋጥኣ ወዘሰ የዐቅብ ሕገ ወልድ ብፁዕ። 19 በቃል ኢይትመሀር ገብር ጸዋግ ወእመኒ ኣእመረ ኢይትኤዘዝ። 20 እመኒ ርኢከ ብእሲ ጉጉዐ በቃል ኣእምር ከመ ቦቱ ተስፋ ለኣብድ እምኒሁ። 21 ነዛህሊል ብእሲ እምንእሱ ይከውን ገብረ ወድኅረ ያሐዝን ርእሶ። 22 ብእሲ መዓትም ይከሪ ጋእዘ ወብእሲ ቊጡዕ ይከሪ ኅጢአተ። 23 ትዕቢት ወጽእለት ቴሕት ብእሲ ወለትሑተ ኅሊናስ ያቀርቦ እግዚአብሔር ለክብር። 24 ዘይትካፈል ምስለ ሰራቂ ጸልኦ ነፍሶ ወለእመ መሐለ ኣምጽኡ ሎቱ ይምሕል ወዘስምዐ ኢይነግር በፈሪህ። 25 ወበኅፈረ ገጽ ይትዐቀጽ ወዘሰ ተወክለ በእግዚአብሔር ይትፌሣሕ። 26 ጌጋዩ ለብእሲ ይሁቦ ኣበሳ ወዘሰ ተኣመነ በእግዚአብሔር ይድኅን። 27 ብዙኃን ይትለኣኩ ለገጸ መኳንንት ወእምኅበ እግዚአብሔር ይከውን ጽድቁ ወሀብቱ ለብእሲ። 28 ምኑን ብእሲ ጻድቅ በኅበ ብእሲ ገፋዒ ወርኩስ ለጋጥኣ ፍኖት ርትዕት።

CAP. 32. 1 እመቦ ዘረከበ ብእሲተ ጽንዕተ ክብርት ይእቲ እምዕንቊ ክቡር ዘብዙኅ ሜጡ። 2 ለእንተ ከመ ዝ ብእሲት ይትኣመን ባቲ ልበ ምታ እንተ ከመ ዝ ብእሲት ኣምሠናይ ምህርካ ኢተሐጽጽ። 3 ትትራድኣ ለምታ ሠናየ በሠናይ ወኣኮ እኩየ በእኩይ በኩሎ መዋዕለ ሕይወታ። 4 እንዘ ትባዝት ፀምረ ወኣጌ ገብረት ሠናየ በእደዊሃ። 5 ወኮነት ከመ ሐመር እንተ ትትጌበር እምርሑቅ ወታስተጋብእ ኩሎ ብዕለ ወትትነሣእ በሌሊት ወትሁብ ሲሳየ ለሰብኣ ቤታ ወግብሮን ለኣዋልድ። 6 ርእየት ወፍረ ወተሣየጠት ወእምፍሬ እደዊሃ ተከለት ጥሪተ። 7 ኣጽኒዓ ወቀኒታ ሐቓሃ ኣውፅኣት እደዊሃ ለግብር። 8 ጥዕመት ከመ ሠናይ ውእቱ ተቀንዮ ለምት ወኢይጠፍእ ኩሎ ሌሊተ ማኅቶታ። 9 ወእሰዊሃ ትሰፍሕ ዲበ ዘይበቊሳ ወእመታ ታጽንዕ ለፈቲል። 10 ወእደዊሃ ፈትሐት ለምስኪናን ወእራጋ ለፍሐት ለነዳያን። 11 ወኢይቴክዝ ምታ በእንተ ቤቱ እመቦ ወእደ ጐንደየ ወኩሎሙ እሊኣሃ እሩዛን እሙንቱ በበ ክልኤ። 12 ክዑብ ከለሜዳ ገብረት ለምታ ዘቢሦስ ወሜላተ ገብረት ላቲ ኣልባስ። 13 ወዘያስተርኢ ይከውን ምታ በውስተ ኣናቅጽ ሶበ ይነብር በውስተ ማኅበር ምስለ ሊቃናተ ምድር። 14 ሰንዱናተ ገብረት ወጸገወቶ ለምታ ወንቊብታተ ለከነዓናውያን ኣፋሃ ከሠተት ዘበሕግ ወዐቅመ ሠርዐት ለልሳና። 15 ኅይለ ወላህየ ለብስት ወተፈሥሐት በመዋዕል ደጋርያት። 16 ጽፉቅ በዋዕይ ቤታ ኅብስት ሀኪት ኢበልዐት ሕግ ወምጽዋት ውስተ ኣፋሃ ወኣፋሃ ፈትሐት በጥበብ ወበሥርዐተ ሕግ። 17 ወምጽዋታ ኣልሀቀ ውሎዳ ወኣብዓላ ወወደሳ ምታ። 18 ብዙኃት ኣዋልድ ኣጥረያ ብዕለ ወብዙኃት ገብራ ኅይለ

THEOT Proverbs in IES 77



ወአንቲስ ትፈደፍዲ ወተዐደውኪ ከሎን። 19 ሕስው አሥምሮ ወምኑን ላህይ እስመ ብእሲት ጠባብ ትትባረክ
ወፈራሂተ እግዚአብሔር ይእቲ ትሴባሕ። 20 ሀብዋ እምፍሬ ከናፍሪሃ ወይትአኩት በአናቅጽ ምታ።